

燕飲部

御宴酒 禁釀 酒器 送酒 沽酒 燕飲

飲酒 罰飲 酒令 酣飲 戒飲

食物部

飯 粥 羹 食物 脯 鮓

時文續集



4加³
463160
526



13
160
26

新編古今事文類聚續集卷之十三

建安 祝穆 和父 編

金陵 唐寅春 子和 刊

御宴

御宴

御宴... 次大... 以酒... 宴... 王... 珍... 具... 大... 信... 通... 明... 威... 一... 朵... 知... 光... 九... 天... 日... 開... 廣... 宴... 刊



利
268
26

新編古今事文類聚續集卷之十三

建安 祝穆 和父 編

金陵 唐富春 子和 刊

燕飲部

御宴

羣書要語雲上於天需君子以酒食宴樂需卦王燕則諸侯毛

禮官酒以黃帕封故謂之黃封酒雜志

詩句蕭曹拱御筵杜遽厭太庖鮮坡珍熟具太官坡紫駝之峰

出翠釜杜御厨絡繹送八珍杜侍臣鶴立通明殿一朶紅雲捧

玉皇坡上尊御食傳恩光陸放翁九天日月開清宴楊誠齋

古今事實

鎬京之宴

武王詩魚在在藻有頌其首王在在鎬豈樂飲酒

湛露之宴

成王詩湛露天子燕諸侯也

雒陽宮之宴

高帝置酒雒陽宮上曰通侯諸將皆言其情吾所以有天下者何項氏之所以失天下何高起王陵對曰云云上曰張良蕭何韓信三者皆人傑吾能用之項羽有一范增而不能用此所以為我禽也羣臣悅服

未央宮之宴

九年淮南王梁王趙主楚王朝未央宮置酒前殿上奉玉卮為太上皇壽曰始大人常以臣亡賴不能治產不如仲力今某之業所就孰與仲多殿上羣臣皆稱萬歲大笑為樂

沛宮之宴

十二年上破布還沛留置酒沛宮悉召故人父老子弟佐酒發沛中兒得百二十人教之歌酒酣上擊筑自歌曰大風起兮雲飛揚威加海內今歸故鄉安得猛士兮守四方令兒皆和習之上乃起舞慷慨傷懷泣數行謂沛父兄曰游子悲故鄉吾雖都關中萬歲之後吾魂魄猶思沛其以沛為朕湯沐邑

長樂宮之宴

高帝悉去秦儀法為簡易羣臣飲爭功醉或妄呼拔劍擊柱叔

孫通與弟子共起朝儀為縣最野外習之會長樂宮成諸侯羣
臣朝廼令羣臣隸習於是皇帝輦出房百官執戟傳警御史執
法舉不知儀者輒引去竟朝置酒無敢誼譁失禮者帝曰吾乃
今日知皇帝之貴也

賦詩奪錦

唐武后遊龍門命羣臣賦詩先成者賜錦袍左史東方虬詩先
成陳設拜賜坐未安宋之問詩復成文理兼美左右莫不稱善
乃就奪錦袍衣之其詞曰宿雨霽妖氛流雲度城闕

雨中錫宴

宋太祖大宴雨暴作上不悅趙普奏曰外面百姓正望雨官家
太宴何妨只是損得些陳設濕得些樂官衣裳但令雨中作雜

劇更可笑此時雨難得百姓快活時正好飲酒宴樂太祖大喜
宣令雨中作樂宣勸滿飲盡歡而罷賈氏談錄

賜宴問酒價

真宗嘗曲宴羣臣於太清樓君臣懽笑無間忽問鄜州尤佳者
何處中貴人以實價對之上遽問近臣曰唐酒價幾何無能對
者惟丁晉公奏曰唐酒每斗三百上曰安知丁曰臣嘗讀杜甫
之詩曰速來相就飲一斗恰有三百青銅錢是知一斗三百上
大喜曰甫詩可為一時之史玉壺清話

誤食釣餌

仁宗朝王安石知制誥一日賞花釣魚宴內侍各以金堞盛釣
餌藥置几上安石食之盡明日謂宰相曰王安石詐人也使誤

食鈞餌一粒則止矣食之盡不情也聞見錄

賜酒辭醉

寇準在中書多召兩制就第飲宴必閉關苛留之畏謹者其懼
李宗諤嘗於門扉下竊出得馬而走後為修宮使思顧漸深一
日召至玉宸殿賜酒宗諤堅辭以醉且云日暮上冷中使附耳
語云此中不須從門扉下出金坡遺事

伶人譏賦詩

賞花釣魚賦詩往往宿製天聖中永興軍進山水石因命賦山
水石歌出於不意多荒惡者中坐優人入賦各執紙筆若吟詠
狀一人忽仆於石上曰數日來作賞花釣魚詩准備應制却被
這石頭擦倒明日降出詩冷中書銓定內鄙惡者與外任范蜀
公東

齊遺

古今文集

古詩

古樂府

生年不滿百常懷千歲憂晝短苦夜長何不秉燭遊為樂當及
時何能待來茲愚者愛惜費祖為塵世嗔仙人王子喬難可以
等期

芙蓉池作

魏文帝

乘輦夜行遊逍遙步西園雙渠相溉灌嘉木統通川翠枝拂羽
蓋後條摩蒼天驚風扶輪轂飛鳥翔我前丹霞夾明月華星出
雲間上天無光采五色一何鮮壽命非松喬誰能得神仙遨遊

事文類聚續集

卷之十三

四

快心意保已終百年

筵篋引

曹植

置酒高殿上親友從我遊中厨辨豐膳烹宰肥牛秦箏何慷慨齊瑟和且柔陽阿奏奇舞京洛出名謳樂飲過三爵緩帶傾庶羞主稱千金壽賓奉萬年酬父要不可忘薄終義所尤謙謙君子德馨折欲何求驚風飄白日光景馳西流盛時不可再百年忽我道生在華屋處零落歸山丘先民誰不死知命復何憂

公燕

曹植

公子愛敬客終宴不知疲清夜遊西園飛蓋相追隨明月澄清景列宿正參差秋蘭被長坡朱華冒綠池潛魚躍清波好鳥鳴高枝神飈接丹轂輕輦隨風移飄颻放志意千秋長若斯

公讌

王粲

臭天隆曠澤百卉挺葳蕤涼風徹蒸暑清雲却炎暉高會君子堂華棖嘉有充圓方組豆也旨酒盈金罍管絃發徽音曲度清且悲合作同所樂但慙孟行遲嘗聞詩人語不醉且無歸今日不極歡含情欲待誰見眷良不趨守分豈能違古人有遺言君子福所綏願我賢主人與天享巍巍克符周公業來世不可追

公讌

劉楨

永日行遊戲歡樂猶未央遺思在玄夜相與復翱翔輦車飛素蓋從者盈路傍月出照園中珍木鬱蒼蒼清川過石渠流波為魚防芙蓉散其華茵苔溢金塘靈鳥宿木齋仁獸游飛梁華館

寄流波豁達來風涼生平未始聞歌之安能詳按翰長歎息綺
麗不可忘

律詩

錫宴日作

韓渥

是歲天稔內出金帛賜百官充觀稼宴學士院別
賜越綾百匹委京局勾當後宰相一日宴于興化
亭

玉銜花馬踏香街詔遣追歡綺席開中使押從天上去外人知
白日邊來臣心淨比漪漣水聖澤深於灑瀆堆纔有異恩頒襪
弊已將優禮及鄒枚清商適向梨園降好妓新行峽雨回不敢
通宵離禁直晚乘殘照入銀臺

仁宗皇帝後苑賞花釣魚御製詩

晴旭暉暉苑籞開氤氳化氣好風來游絲骨絮繁行仗隋棠飄
香入酒盃魚躍紋波時潑刺鶯留深樹久徘徊青春朝野方無
事故許歡遊侍從陪

和

韓琦

花簇香亭萬朵開琉璃高自九關來輕陰閣雨迎天仗寒色留
春送壽盃仙吹徹雲終縹緲息魚逢餌幾徘徊曾忝二十年前
會今備台司得再陪

和

鄭獬

蒼霞鮮雲五色開一聲清蹕下天來水光翠繞九重殿花氣濃
薰萬壽盃繡幕煙深紅會合文萃風引綠徘徊蓬山絕景無人

到詔許羣仙盡日陪

和

王安石

陰暉晴雲拂曉開傳呼仙仗九天來披香殿上留朱轡太液池
邊送玉盃宿榮暖吞風浩蕩戲鱗清映日徘徊展章獨與春爭
麗恩許賡歌豈易陪

又

藹藹祥雲輦路晴傳呼萬歲雜春聲蔽虧玉仗官花密映燭金
溝御水清珠藻受風天下暖錦鱗吹浪日邊明從容樂飲真榮
遇願賦魚頌太平

詩話

不與賜燕

楊文公為光祿丞後苑賞花宴不得預以詩貽諸館閣曰聞戴
官花滿髮紅上林絃管侍重瞳蓬萊咫尺無由到始覺仙凡迥
不同太宗皇帝聞之乃詰所司以不召之故左右皆曰以未貼
職例不得召即命直集賢院遂預晚宴澗水燕談

不許與燕

翰林學士李宗謨以京官帶職赴內宴閣門拒之獻詩曰戴了
官花賦了詩不容重觀補黃衣無聊獨出金門去恰似當年下
第歸太宗覽詩即宣赴坐後遂為例雖選人帶館職亦同赴宴
青廂雜記

以詩為戲

章聖朝春月多召兩府兩制三館於後苑賞花釣魚賦詩自趙

元昊叛西陲用兵廢缺甚久嘉祐末仁宗為修故事羣臣和御製詩是日微寒韓魏公時為首相和詩卒章云曾忝二十年前會今備臺司得再陪時內侍都知任守忠常以滑稽侍上從容曰韓琦談陛下仁宗愕然問其故守忠曰談陛下遊宴太頻仁宗為之笑

應制稱旨

真宗朝歲歲賞花釣魚羣臣應制嘗一日臨池久而御釣不食丁晉公謂應制詩曰鶯鷺鳳輦穿花去魚畏龍顏上釣遲真宗稱賞羣臣以為莫及

詩有所祖

仁廟嘉祐中賞花釣魚介甫以知制誥預末坐帝出詩示羣臣

次第屬和傳至介甫日將及矣亟欲奏御得披香殿字未有對時鄭毅夫獬接席顧介甫曰宜對大液池故其詩有云披香殿上留朱輦太液池邊送玉盃翌日都下盛傳王舍人竊柳詞大液波翻披香簾捲介甫頗銜之復齋謾錄云余讀唐上官儀初春詩步輦出披香清歌臨太液乃知荆公取儀詩豈謂柳詞耶

伶人譏和詩難

仁宗賞花釣魚宴錫詩執政諸公洎禁從館閣皆屬和而徘徊二字無他義諸公進和篇皆押徘徊再坐教坊雜戲為數人尋訪稅第至一宅觀之至前堂之後問所以曰徘徊也又至後堂東西序亦問之皆曰徘徊也一人笑曰可則可矣徘徊太多

酒

禁釀附

羣書要語 麴一作醱酒母也。醱生衣也。二熟麴也。葉牙米也。醴酒，一宿熟也。醪，汁滓酒也。酎，三重之酒也。醕，薄酒也。醕，旨酒也。說文酒有汎齊、浮蟻在上汎汎然。釋名若作酒醴爾為麴。葉命十月穫稻為此春酒。七月酒正掌酒之政，令以試法授酒材。辨五齊之名物：一曰泛齊，二曰醴齊，三曰盎齊，四曰醕齊，五曰沉齊。又辨三酒之物：一曰事酒，二曰昔酒，三曰清酒。周禮漢武帝立酒泉郡，有井水色白，有酒氣，故名。本紀清酒百壺。韓奕酒既和旨，實筵君子有酒多且旨。魚麗有酒如池，如澠。左傳餐未

及下咽，酒未及濡脣。秦紀酒者天之美祿，帝王所以願養天下，享祀祈福，扶衰養老。百福之會，非酒不行。漢食貨志夫監食者之將，酒百藥之長。王彞詔銷憂者莫若酒。東方朔傳酒為歡伯，除憂乘樂。焦貢易林

詩句 浮蟻對春開。庾信濁醪有妙理。杜鵑兒黃似酒杜山盃竹葉春。杜坐開桑落酒。杜齋釀寒更醇。曾不放香醪如蜜甜。杜一盃春酒甘若飴。韓

古今事實

儀狄造酒

昔儀狄作酒而美，進之於禹，禹飲而甚之，遂疏儀狄，乃絕旨酒。戰國策

魯酒薄

楚宣王朝諸侯魯恭公後至而酒薄宣王怒乃發兵與齊攻魯
一日與趙俱獻酒於楚王王主酒吏以魯薄酒易趙厚酒楚王
以趙酒薄遂圍邯鄲淮南子

葡萄酒

漢大宛國造葡萄酒貨殖傳唐憲宗遣使賜季絳葡萄酒本傳

九醞酒

漢制以正月且造酒八月成名曰九醞一名醇酎西京雜記

漢賜上尊

漢賜丞相上尊注糯米一斗為一尊稷為中粟為下

酉日不飲

杜康善造酒以酉日成故酉日不飲酒會客論略

從事督郵

桓溫有主簿善別酒好者謂青州從事惡者為平原督郵蓋青
州有齊郡平原有葦縣從事謂到膝下督郵言高上

清聖濁賢

鮮于輔曰醉客謂酒清者為聖人濁者為賢人詳見酣飲門

齊釀

劉弘字季和都督荊州下教曰酒室中云齋中酒德事酒後酒
優劣三品投醪當與三軍同其厚薄自今不得分別

兵厨善釀

阮籍聞步兵厨營人善釀有貯酒二百斛乃求為步兵校尉

白墮善釀

晉河東人劉白墮善釀酒飲者醉不能醒永熙中青州刺史毛鴻賓賚酒之落逢盜劫酒飲之皆醉被擒因名擒姦酒洛陽伽藍記

賜桑落酒

晉宣帝時羌人來獻桑落酒故九日賜百寮飲蓋桑落河出馬乳酒羌人兼葡萄來屬世說

釀千日酒

劉玄石善飲或飲以千日酒歸醉不醒以為醉死葬之與酒者往論其家共發冢示之經日忽醒而起無恙注中山有千日酒飲之昏醉輒千日

十年不敗

煬帝造玉璽酒十年不敗龍城錄

待詔樂酒

王績待詔門下省故事官給酒二斗或問待詔何樂答曰美醞三升差可戀耳侍中陳叔達聞之日給一斗時號斗酒學士

著酒經

焦革善釀革死王績追述其法以為經又采儀狄杜康以來善造酒者為譜

麴生風味

葉法喜居玄真觀嘗有朝士請之解帶淹留滿座思酒忽有一美措傲睨直入稱麴秀才年二十餘肥白可觀笑揖諸公未席抗聲譁論良久暫起法喜曰此子突入詞辯如此豈非魑魅為

感侯其復至密以小劍擊之應手墜于階下化為瓶榼一座驚
懾遽視乃一瓶醲醞咸笑飲之其味甚佳曰麴生風味不可忘
也唐開元記

推酒床

彭任聞富彥國當使不測之虜憤憤推酒床奉皮裂老蘇送石
昌言北使引

搜私釀以下係禁釀

趙廣漢為京兆突入博陸侯霍禹第門索私釀酷推被壚鬻斧
破門關

表置酒禁

曹操以年饑兵興表制酒禁孔融書爭之融因得罪徐邈私飲

至於沉醉操怒罰之

蜀旱禁釀

蜀簡雍拜昭德將軍性簡傲跌宕在先主座席猶箕踞傾倚時
天旱禁釀酒者有刑吏於人家索得釀具論者欲罰雍與先主
游觀見男女行道謂先主曰彼人欲行潘何以不縛先主曰何
以知之對曰彼有其具與欲釀者同先主大笑而原欲釀者滑
稽皆此類

古今文集

雜著

陸諡傳

唐子西

陸諡麴城人少與壺子商君相友善約先貴無相忘已而壺子

任太常商君任主爵都尉通顯矣而諂方青州為從事牽商等
 上疏曰臣等亡狀蒙陛下器使待罪九卿自非得天下賢聖與
 之同升則非但無以副陛下傾渴而臣等亦自不滿臣友麴城
 陸諡者舉世莫能測其為人以為剛又無虐以為柔又有立文
 雅醜藉號為醇儒至論全身保家活國安天下則又似謀臣策
 士往時袁盎相吳王驕日久數陷害二千石益用其兄子種計
 與諡厚善卒賴其力得脫虎口以歸此全身之道也呂太后時
 羣臣動見覆族呂須讒陳平曰平為相非治事專從諂戲婦女
 太后聞之私獨喜而平得以全其宗此保家之效也河南獻王
 修德為仁義天子不悅王懼日夜與諡語不厭相事幾廢而民
 間作畫工之歌此安天下之效也臣聞王者尊有德進有功今

諡既賢聖而上自朝廷郊廟燕享下至田里冠昏聚會諡味嘗
 不在其間功效不為人後而位青州從事薄空置臣亡益上從
 其言遣壺子持節召諡至見上歡甚是日拜諡光祿勳頃之封
 醴泉侯食千戶諡歎曰生我者天地成我者壺商也二人既薦
 諡以身下之然上每念諡輒并召二人諡卒謚懿侯子醇嗣至
 曾孫醇不自以罪廢國除諡既沒二人亦斥疎不復召用云
 太史公曰漢興陸賈以辨說游公卿間名聲籍甚為太中大夫
 以壽終而諡復以德業位九卿賜爵列侯傳國救世陸氏之先
 豈有天祿哉

洞庭春色賦 并引

蘇子瞻

安定郡王以黃柑釀酒名之曰洞庭春色其猶子

德麟得之以餽予戲作賦曰

吾聞橋中之樂不減商山豈霜餘之不食而四老人者游戲於其間悟此世之泡幻藏千里於一斑舉棗葉之有餘納芥子其何艱宜賢王之達觀寄逸想於人寰孺孺兮春風泛天宇兮清閑吹洞庭之白浪漲北渚之蒼濤携佳人而往游勤霧鬢與風鬟命黃頭之千奴卷震澤而與俱還操以二米之禾籍以三春之管忽雲蒸而水解旋珠零而涕潛翠勺銀鬕紫絡青編隨屬車之鴟夷款木門之銅環分帝觴之餘瀝幸公子之破堅我洗盞而起嘗散腰足之痺頑盡三江於一吸吞魚龍之神姦醉夢紛紛始如鞞螿鼓包山之桂楫扣林屋之瓊闥卧松風之瑟瑟揭春溜之淙潺追范蠡於渺茫弔夫差之惓惓屬此觴於西子

洗亡國之愁顏驚羅襪之塵飛失舞袖之弓香覺而賦之以授公子曰烏乎噫嘻吾言夸矣公子其為我刪之

中山松醪賦

蘇子瞻

始予宵濟於衡漳軍徒涉而夜號燧松明以記淺散星宿於亭皇鬱風中之香霧若詭予以不遭豈千歲之妙質而死斤斧於鴻毛效區區之寸明曾何異於東蒿爛文章之糾纏驚節解而流膏噀構厦其已遠尚藥石之可曹收薄用於桑榆製中山之松醪救爾仄燼之中免爾螢燭之勞取通明於盤錯出昉澤於煎熬與黍麥而皆熟沸春聲之嘈嘈味甘餘之小苦歎幽安之獨高知甘酸之易壞笑涼州之葡萄似玉池之生肥非內府之烝羔酌以瓊漿之紋樽薦以石蟹之霜齏曾日飲之幾何覺天

刑之可逃投杖而起行罷兒童之抑搔望西山之咫尺欲塞
裳以游遨跨超峯之奔鹿接挂壁之飛猿遂從此而入海渺翻
天之雲濤使夫嵇阮之倫與八仙之羣象或騎麟而翳鳳爭楹
挈而瓢操顛倒白綸巾淋漓官錦袍追東坡而不可及歸哺啜
其醅糟漱松風於齒牙猶足以賦遠遊而續離騷也

古詩

生酒歌

楊廷秀

生酒清於雪煮酒赤如血煮酒不如生酒烈煮酒只帶煙火氣
生酒不離泉石味石根泉眼新汲將麴米釀出春風香坐上猶
紅聞熊白甕頭鴨綠變鵝黃先生一醉萬事已那知身在塵埃裡
律詩

竹葉酒

楊廷秀

宜城九釀酒號竹葉酒

楚人及漢水釀酒古宜城春風吹酒熟猶似漢江清者舊前入
在丘墳應已平唯餘竹葉麴留此千古情

茅柴酒

韓子蒼

三年逐客卧江臯自與田工釀小糟飲慣茅柴酒古硬不知如
蜜有香醪

新釀桂酒

蘇子瞻

搗香篩辣入餅盆益益春溪帶雨渾收拾小山藏社甕招呼明
月到芳樽酒材已遺用生致菜把仍叨地主恩爛煮葵羹對桂
醪風流可惜在蠻村

真一酒

蘇子瞻

米麥水三一而已此真一酒法也

撥雪披雲得乳泓
蜜蜂又欲醉先生
稻垂麥仰陰陽見
器象
新衣真清曉日着
顏紅有暈春風入
髓散無聲人間真一東坡
老與作青州從事名

詩話

郟筒酒

郟縣人剡竹傾春釀於筒
閉以藕絲苞以蕉葉
信宿馨達於竹外
然後斷之以獻號為
郟筒酒故杜詩云酒
憶郟筒不用酌

桑落酒

河中桑落坊有井每至
桑落時取其寒暄得
所以井水釀酒甚

佳故號桑落酒度信詩蒲城桑落酒後史補

洞庭春色

安定郡王以黃柑釀酒色香味三絕故東坡詩云去年洞庭春
香霧常噴手今年洞庭春王色疑非酒
瓶間香浮坐盞光照樽
牖要當立名字未可問
并斗應呼釣詩釣亦號
掃愁帚須君漱
灑盃我談天口

雜著係禁釀

辨禁私釀書

曹操欲製酒禁孔融與操書云天垂酒星之曜地列酒泉之郡
堯不千鍾無以建太平孔非百榷無以堪上聖
焚燬解尼鴻門
非鍾酒無以奮其怒趙之斯養東迎其主非卮酒無以激其氣

高祖非醉斬白蛇無以暢其靈景帝非醉幸唐姬無以開中興
袁盎非醇醪無以脫其命定國不酣飲一斛無以決其法故鄴
生以高陽酒徒著功於漢屈原不餽糟歎醜取困於楚由是酒
何負於政哉

酒器

羣書要語 凡觴一升曰爵二升曰觚三升曰觶四升曰角五升
曰散一石曰壺五斗曰甔禮器注梓人為飲器爵一升獻以爵
而酬以觚冬官飲玉爵者弗揮曲禮洗爵奠斝行葦朋酒斯饗
注兩樽曰朋七月瓶之聲矣維壘之耻注瓶小而壘大蓼莪滑
稽酒器也轉注吐酒終日不乾今之陽燧樽崔浩音義

詩 山盃捧竹根度信 酡顏傾鬢落韓聯句 蓋誰能載酒開金
盃杜 指點銀瓶索酒管杜 琉璃鍾琥珀濃小漕 酒滴真珠紅李
賀 鷓鴣杓鸚鵡盃百年三萬六千日一日須傾三百盃李白 愁
裏酒盃浮大白楊大年 佳人斗南北美酒玉東西山谷 酒酣金
盃照東西魯

古今事實

歷代之尊

泰山有虞之尊也山壘夏后氏之尊也著商尊也犧象周尊也
明堂位 犧尊象尊著尊壺尊恭尊山尊皆有壘司尊彝 犧象二
尊全刻牛象之形鑿其背以為尊三禮局

三代之爵

夏后氏以琖商以斝周以爵明堂位

金罍

卷耳后妃之志也知古下之勤勞詩云我姑酌彼金罍注人君以黃金飾尊大一石金飾龜自蓋列為雲雷之象謂之罍者取象雲雷博施如人君下及諸臣

兕觥見罰酒門

太斗

周成王行葦詩酌以太斗

白獸樽

正旦元會設白獸尊於闕庭蓋上設白獸若有能獻直言者則發此尊飲酒按禮白獸尊乃杜舉遺式也示無忌憚也 晉禮志

三爵命名

晉劉表有酒爵三大曰伯雅升七次曰仲雅升六小曰季雅升五

羽觴

王羲之蘭亭序羽觴隨波

舉白

又見罰酒太白注

文選云飛觴舉白蓋酒器也

酒船

畢卓嘗白得酒滿數百斛船拍浮酒船中便足了一生

金叵羅

齊著作郎祖珽有文章而疎率無行嘗因宴失金叵羅後於珽髻上得之近世以洗為金叵羅若果為洗其可置之髻上未知

果何物也事類類身類集聞見錄

鴛鴦盞

唐張易之與李迥同飲以鴛鴦盞一雙共飲取其常相逐也雞距集

偏提

唐元和間酌酒謂之注子後仇士良惡其名同鄭注乃去其柄安繫名曰偏提謝馮事類

酒器七品

李適之有蓬萊盞海山螺舞仙螺酌子卮慢卷荷金蕉葉玉蟾兒逢原記

荷盃

李宗閔暑月臨池以荷為盃語林

玻璃盃

太真妃持玻璃七寶盃酌葡萄酒樂史李太白後序

酒魁

蜀中有酒器名酒魁詩人所謂酌以大斗遺制象北斗有魁柄

酒榼見酒門麴生注

誤碎玉盃見德量門

銀酒海

葉鈞大宴有裴弘泰後至罰以坐上小爵至觥船飲皆竭隨即實置于懷有銀海受一斗一飲而盡踏其海卷抱之索馬徑去乾饌子

玉蓮盃

有王永年娶宗女監金耀書庫嘗置酒延賓下榻繪於室出其妻間坐妻以左右手搦酒以飲下繪謂之白玉蓮花盃後永年盜庫書下獄引下繪受饋俱落職東軒筆記

蕉葉盃

東坡云吾兄子明飲酒三蕉葉吾少時望見酒盃而醉今亦能三蕉葉矣志林

婪尾盃詳見燕會門

蘇鶚云今人以酒巡匝為婪尾又云婪貪也謂處於坐末得酒既貪婪故宋景文云迎新送故只如此且畫灯前婪尾盃而樂天詩三盃藍尾酒但改婪為藍耳

不好珍器

杜祁公享客多用髹器客有面稱歎曰公嘗為宰相清貧乃爾耶公命侍人盡取白金燕器陳於前曰衍非乏此種不自好耳然祁公好施亦卒不畜也家塾記

借珍器不還

胡旦大監出知明州同年董儼給事知揚州延留甚歡入後館出姬侍寔豆皆上方珍器且曰人生會合難得來自能枉駕敝舟數杯可乎又曰珍器家貧未識可略假借奉示妻孥否董以巨盃盡貯送至舟中明日不告而去後乃送還之玉壺清話

古今文集

雜著

蘇文頌

卷之十三

三

題魏府藏趙公飲器

朱元晦

趙公飲器魏府藏我思兩人愛其棠惟魏子孫實無數敬奉其盈如弗克平陵朱某拜手刻

古詩

寄崔立之

韓愈

我有雙飲酸其銀得朱提前漢朱提銀其直貴黃金塗物象雕鐫妙工儻乃冷千里鯨么麼微蠅斯猶能爭明月擢棹出渺瀰野草花葉細不辨寶篆施綿綿相糾結狀似環城陴四隅芙蓉樹擢豔皆倚倚鯨以興居狀失所逢百雁月以喻夫道備勉勵莫虧草木明覆載妍臭齊榮萎願君恒御之行止親燧觴異日期對舉當如合口分支

獨酌試藥玉盞有懷諸君子明日望夜月庭佳景不

可失作詩招之

蘇子瞻

鎔鉛煮白石作玉真自欺琢削為酒盃規模定州瓷荷心雖淺狹鏡面良渺瀰持此壽佳客到手不容辭曹侯天下平定國豈其師一飲至數石温克頗似之風流赴王孫詩酒屢出奇我以此客玉盃不容施請君法歐陽問疾來何遲呼兒掃月榭扶病良及時

次韻蘇公獨酌試藥玉盞

陳無已

仙人棄餘糧玉色已可欺小試換骨方價重十冰糞灌以長白虹漱若江海瀰浮之端不惡舉者不可辭但愧聞道晚早從鴈門師律部無明文可復時中之汝陽佳少年二十六出奇家有

持盃手兩好當一施風吹酒面久月度盃心遲百年客有命一
笑更須時

椰子酒榼

張安國

矮胡生南方託家碧山崖採擇供貢篚扶持上天街愧此原慙
姿欲售久未諧道傍麴先生風味固自佳逢渠即傾盞輸寫能
開懷刮削出光采規繩去歆歆金玉豈足貴膠漆真吾儕客來
有嘉招一士往必借婆娑止坐隅供饋煩金釵矮胡雖木強醇
德真無涯虚心實其腹居然外形骸微物幸見用棄置理則乖
毛穎有封國陶匏薦欽柴太藥起世痾炮燔及根莖願子自洗
濯勿受塵埃埋暇日肯相從醉經坐高齋

律詩

瓦盆

杜甫

莫笑田家老瓦盆自從盛酒長兒孫傾銀注玉驚人眼共醉還
同卧竹根

謝楊景仁惠酒器

黃魯直

楊君喜我梨花盃却念初無注酒魁
矮金盃肯持送按沙殘菊更傳杯

新編古今事文類聚續集卷之十三終

續文類聚續集

卷之十三

十三終

五十三

投醪飲河

昔者良將用兵，人有饋一單醪者，使投之於河，令將士迎流而飲之。夫單醪不能味一河水，三軍思為之死，非滋味及之也。黃石公記

半道送酒

江州刺史王弘欲識淵明，而不能致。淵明嘗往廬山，弘命淵明故人龐通之資酒具於半道栗里之間，邀之。淵明有脚疾，使一門生二兒舉籃輿，既至欣然，便共飲酌。俄頃弘至，亦無迕也。

餉酒易水

晉孔巖祖父奕為全椒令，明察過人，特有遺其酒者，始入門，奕遙曰：餉吾兩翼酒，其一何故非也？檢視之，果是水。或問何以知

之奕曰：酒重水輕，提酒者手有輕重之異，故耳。

求酒送渡

宋臧質在盱眙，魏太武自廣陵還，就質求酒，質封漚，便與之。太武怒甚，夜圍三旬，不下乃去。

嗜酒自娛

唐元德秀罷魯山令，愛陸渾佳山水，乃定居，不為墻垣，肩鋤無僕妾，歲饑或不爨，嗜酒陶然，彈琴自娛。人以酒有從之，不問賢鄙，為酣飲。

詐稱飲酒

李泌以虛誕自任，嘗對客曰：令家人速酒掃，今夜洪崖先生來，有人遺美酒，會有客至，乃曰：麻姑送酒來，與君同傾。未幾，門者

日某侍郎取榼子必命倒還略無作色國史補

古今文集

律詩

謝嚴中丞送青城山道士乳酒杜甫

山瓶乳酒下青雲氣味濃香幸見分鳴鞭走送恰漁父洗盥開嘗對馬軍

章質夫送酒六壺書至而酒不達更跌而亡之戲作

小詩問之

蘇子瞻

白衣送酒舞淵明意掃風軒洗破觥豈意青州六從事化為烏有下先生空煩左手持新釀謾送東籬嗅落英南海使君今北海定分百榼餉春耕

謝人寄酒

舊香餘味寄黃封厭見紅泥滿眼紅于乘莫從人爭後百壺能為故人東

沽酒

羣書要語無酒酤我伐木

詩句美酒斗十千

文選

鄰人有美酒稚子夜能賒杜僮僕來城

市瓶中得酒還杜隔屋喚西家借問有酒不杜憶與高李輩為

覓酒家壚杜論交入酒壚杜顏公三十萬盡付酒家錢李白且

願得志速相就牀頭常有沽酒錢宋鮑昭街頭酒價常苦貴方

外酒徒稀醉眠速宜相就飲一斗恰有三百青銅錢杜偏久行

酒債尋常行處有杜村落家家有濁醪青旗招客醉祇祠荆公
慙無白水真人分難致青州從事來后山拂帽村帝誇酒好為
吾聊解一瓢香山谷自遣赤脚沽春醞山谷

古今事實

沽酒不食

孔子沽酒市脯不食

初推酒酷

漢武帝天漢二年初推酒酷

開壚賣酒

王莽時魯唐言謂法古今作酒開壚以賣通典

當壚滌器

司馬相如與卓文君臨邛賣酒舍文君當壚相如與僮保雜作滌器

賣僮酒家

纈布賣僮於齊為酒家保

便了不沽酒見奴僕門

此奴沽酒

劉寬嘗坐客遣蒼頭市酒迄久大醉而還客不堪之罵曰畜產竟須更遣人視奴疑必自殺顧左右曰此人也罵言畜產厚孰甚焉故吾懼其死也東觀漢記

千文一斗

孝靈末百司酒酒千文一斗典論

欠人酒債

孫濟權之叔也嗜酒不治產業常醉屢欠酒債人皆笑之濟恬然自若謂人曰尋常行坐處欠人酒債欲貸此縵袍償之

賒酒約還

吳潘璋字文章性博蕩嗜酒居貧好賒酤債家至所輒言後貴當還

杖頭掛錢

阮宣常步行以百錢掛杖頭至酒店便獨酣暢雖當世富貴而不肯顧家無擔石之儲晏如也本傳

醉鄰婦側

阮公鄰家婦有美色當壚酤酒阮與王安豐常從婦飲酒既醉

便眠婦側夫不疑之伺察無他意

金貂換酒

阮孚為常侍以金貂換酒為有司所彈賀知章一見李白呼為謫仙人以金龜換酒與之共飲撫言

悉送酒家

劉延之與淵明情款延之為始安郡經過臨去留二萬錢與淵明淵明為送酒家稱就取酒唐陽城為諫議大夫每約一第吾所俸入而可度食米幾何薪菜鹽幾錢先具之餘悉送酒家無留也

過黃公壚

王戎為尚書令着公服過黃公壚謂後車客曰吾昔與嵇叔夜

阮嗣宗酣暢於此壚自和阮亡以來便為時所羈縻今視此雖近邈若山河世說

受酒酷賣

後魏鄭義為西兖州刺史多所受納政以貶成性又嘗使人有禮餉者不與孟酒饈肉西門受羊酒東門酷賣之

停車詣酒壚

齊謝幾卿性通脫為尚書左丞嘗預樂遊死宴不得醉而還詣道邊酒壚停車褰幔與車前三騶對飲觀者如堵幾卿自若

命酒獨酌

馬周字賓王舍新豐逆旅主人不之顧周命酒一斗八升悠然獨酌眾異之朝野僉載以為濯足

飲于市肆

仁宗在東宮魯簡肅公宗道為諭德一日真宗急召公將有所問使者及門而公不在移時乃自仁和肆中飲歸中使遽入白乃與公約曰上恠公來遲當託何事以對公曰但以實告曰然則當得罪公曰飲酒人之常情欺君臣子之大罪中使嗟歎而去真宗果問使者具如公對真宗問卿何故私入酒家公謝曰臣家貧無器皿酒肆百物具備賓至如歸適有鄉里親客自遠來遂與之飲然臣既易服市人亦無識臣者仁宗曰卿為官臣恐為御史所彈然自此奇公以為忠實可大用歸田錄

古今文集

雜著

張仲吉綠陰堂記

黃魯直

嘉陽張仲吉寓舍於焚道以酒壚為家產若朝夕汲汲於器中
 之贏惟不足及能種花養竹閑閑於林下之樂常有餘其子寬
 夫又從予學故予數將諸生過其家近市而有山林趣花竹成
 陰啼鳥鳴蛙常與人意相值或時把酒至夜漏下一千刻雲陰
 雷風與諸生衝用踏泥而歸諸生從余未嘗有厭倦焉則仲吉
 父子好事喜賓客可知也今蒙恩放還去此有日矣故書游息
 之樂使工本壽刻之綠陰堂上使後之不及與余同時者得觀

設法賣酒

設法賣酒所在官吏遂張樂集妓女以來小民此最為害教而
 必為之辭曰與民同樂豈不誣哉夫誘引無知之民以漁其財

是在百姓為之理亦當禁而官吏為之上下不以為恠不知為
 政之過且民之有財亦須上之人與之愛惜而巧求暗取之雖
 無鞭笞以強民其所為有甚於鞭笞矣 楊龜山語錄

酒肆旗望

今都城及郡縣酒務凡鬻酒之肆皆揭木帘於外以青白布數
 幅為之徵者隨其高卑小大村店或掛瓶瓢標帶梓唐人多詠
 於詩然其制蓋自古然矣韓非子云宋人有酤酒者斗粟甚平
 遇客甚謹為酒甚美懸幟甚高而酒不售遂至於酸所謂懸幟
 者此也 容齋隨筆

古詩

戲簡鄭廣文兼呈蘇司業

杜甫

醉歌行又云時赴鄭老同襟期得錢即相覓沽酒
不復疑

廣文到官舍繫馬堂階下醉即騎馬歸頗遭官長罵才名三十
年坐客寒無氈賴有蘇司業時時與酒錢

酒肆行

韋應物

豪家沽酒長安陌一旦起樓高百尺碧疏玲瓏含春風銀燭絲
幟邀上客迴瞻丹鳳闕直視樂遊苑四方稱賞名已高五陵車
馬無近遠晴景悠揚三月天桃花飄俎柳垂筵繁絲急管一時
奏地壚隣肆何寂然主人無厭且專利百斛一釀斯須美初醲
後薄為太偷飲者知名不知味深明潛醉客來稀終歲醲醲味
不移長安酒徒空擾擾路傍過者那得知

送同年蒲叔範察院杭州監酒

王疇文監

釋之久未調王粲嘗從軍謂言塞垣事壯志橫風雲育材幸明
代薦賢無令君如何漢酷冗沉此荆山珍萍氏本幾酒周官有
桑倫孝武事攘却志清天地屯連兵無時已四海蕭然貧官始
操釀具推之飽師人利源一以洩頽波蕩無垠糜穀費耒耜良
藥爭清醇酒禁著律令犯笞及其身狂藥乃陷穿傷哉先殍民
炎靈屬我后天資英且仁邦力阜雄富漢制仍相循歲賦二千
萬經入固已勤彌年擁武節乘邊清國氛雄雄百萬師跨邁聯
燕秦仰給傾府庫賞賚圖我勳加歛猶不足返古當何云抗城
東南劇地將湖海鄰推利冠天下旗亭壓重圍彼雖斗筭職亦
擇才英臣風露氣已肅溪潭寒彌新沙榜朝泛泛吳濤暮云法

南州近牛斗氣象雄霜夏汀楓變老枿赤葉晴相紛嘗茶泊幽寺觀魚下輕輪行當收翹楚寧復混蒸新無爲狎吳叟坐恋秋江蓴

律詩

酒市

朱元晦

聞說崇安市家家麴米春樓頭邀上客花底覓南鄰詎有當壚子應無折券人勸君渾莫問一醉便還醇
麗藻摘雲錦新章寫陟釐詩傳國風體與發酒家旗見說難中聖遙知但啜醕盤殮雜鮮菜那有蟹螯持

少年行

杜甫

馬上誰家白面郎躡階下馬坐人林不通姓字粗豪甚指點銀

瓶索酒尊

燕飲 飲酒

羣書要語夫豢豕爲酒非以爲禍也而獄訟繁則酒之流生禍也是故先王因爲酒禮一獻之禮賓主百拜終日飲酒而不得醉焉此先王所以備酒禍也樂記君子之飲酒也一爵而色酒如也注肅敬貌一爵而言言斯注和敬貌三爵而油油以退注悅敬貌禮爲酒食以召鄉黨僚友曲禮觴酒豆肉讓而受惡民猶犯齒功記有不速之客三人來注速召也需卦醉酒飽德人有士君子之行既醉人之齊聖飲酒温克小宛賓之初筵左右秩秩籩豆有楚般核維旅飲酒孔嘉維其令儀賓筵既有肥牡

事文類聚

卷之十四

以速諸舅寧道不來微我有咎伐木鄉會公侯燕饗皆折俎不

體薦左傳注唯酒無量不及亂鄉黨日昃不飲酒酒必酸賓主

百拜而酒三行楊子夫飲之禮不脫履而即序者謂之禮既而

上坐者謂之寔能飲者飲之不能飲者已謂之醜齊顏色均衆

寡謂之沉閉門不出者謂之酒故君子可以寔可以醜不可以

酒韓詩外傳夫妻治具淮夫傳厚具樂飲陸賈以惡草具進陳

平傳飾厨傳稱過客宣紀酒食者所以合歡也史樂書與李陵

未嘗啣盃酒接慇懃之歡馬遷傳引蒲舉白班固叙傳烹羊魚

羔斗酒自勞酒後耳熱仰天拊缶楊惲傳今夕正可談風月南

史重客至矣授館致餼柳文

詩向有客遠方來過我漏蓬華在壘酌松醪呼兒具紙筆詞語

清冰霜書如鸞鳳立陸士衡家貧無供具客位但箕帚杜還聞

稚子說有客欵柴扉范彦龍贈張徐州野外貧家遠村中好客

稀杜夜雨剪春韭新炊間黃梁主稱會尚難一舉累十觴杜贈

衛處士犯卯不須愁且乞醉過申馮異中贈李干醉貌如霜葉

雖紅不是春白午茶能散睡白酒善消愁白集孟行到君莫停

手破除萬事無過酒韓贈鄭兵曹斷送一生惟有酒韓子弟聞

姊來磨刀霍霍向猪羊韓木蘭頻頻列日微成醉拍拍滿懷都

是春邵克夫公獨未知其趣耳臣今時復一中之坡

古今事實

漢賜民脯

漢文帝賜脯三日注賜民得聚會飲酒

召客謝病

卓王孫為其召臨邛令王吉及司馬長卿令既至日中司馬長卿謝病不能臨臨邛令不敢嘗食身自迎相如不得已而強往一坐盡傾相如傳

約幾不至

灌夫字仲孺嘗有服過丞相蚡蚡從容曰吾欲與仲孺過魏其侯會仲孺有服夫曰將軍迺肯幸臨况魏其侯實嬰夫安敢以服為解蚡許諾夫以語嬰嬰與夫人益市牛酒夜洒掃張具至日中蚡不來夫迺駕自往迎蚡蚡特前戲夫殊無意往夫至門蚡尚卧也蚡悟謝曰吾醉忘與仲孺言迺駕往卒飲至夜極歡而去

投轄留賓

陳遵字孟公嘗酒每大飲賓客滿堂輒閉門取客車轄投井中倘有急不得去嘗有部刺史奏事過遵候遵沾醉入見遵母叩頭自白當對有期會母乃令從後閣出去遵所到衣冠懷之唯恐在後時列侯有與遵同姓字者每至入門曰陳孟公坐中莫不震動既至而非因號其人曰陳驚坐云

歌驪駒

王式為昌邑王師王以淫亂式數獄以減死論後除博士式徵來衣博士衣而不冠曰刑餘之人何道復衣禮官既至令止舍中會諸大夫共持酒肉勞式皆生意高仰之博士江公世為魯詩宗至江公著孝經說心嫉式謂歌吹諸生曰歌驪駒逸詩篇名客欲

事人貞愛黃集

卷之十四

十一

去歌之其辭云驪駒在門僕夫具存式日聞之於師客歌驪駒主人歌客毋庸歸下文衍下客字驪駒者將歸也今日諸君為主人日尚早未可也之歌主人無所歸不當散也

坐客常滿

後漢孔融為太中大夫職閑賓客日盈其門歎曰坐上客常滿尊中酒不空吾無憂矣與蔡邕素善邕卒後有虎賁士貌類邕融每酒酣引同坐曰雖無老成人尚有典刑

佯醉取怒

吳虞翻孫權歡宴之末自起行酒伏地佯醉不持權去翻起坐

權大怒手劍欲擊之太司農劉基救解乃免

召鄒延秋

梁王不悅遊於兔園乃置旨酒命賓友召鄒生延枚叟謝靈運

孟中蛇影 見疾病門

坐無車公

車胤善於賞會當時每有盛集而胤不在皆日坐無車公不樂謝安遊集之日輒開筵待之

能飲為所賞

何充字次道能飲酒雅為劉恢所賞每云見次道飲令人欲頌家釀言其温克也

擲面而去

王夷甫嘗宴集為族人所怒舉標擲其面衍初無言引王導共載而去然心不能平在車中攬鏡自照謂導曰爾看吾目光乃在牛背上也

酒少不及

王戎與阮籍飲時交州刺史劉永字公榮在坐以酒少不及泉泉無恨色戎異之他日問籍曰彼何如人曰勝公榮則不可不與飲若減公榮則不敢不共飲惟公榮可不與飲

罪行酒者

王敦字處仲王導字茂弘敦與導管造王愷愷使美人行酒以客飲不盡輒殺之酒至導敦所敦固不肯持美人悲懼失色而敦傲然不視導素不能飲恐行酒者得罪遂勉強盡觴導還歎

曰處仲若當世心懷剛忍非今終也

飲行觴者

陰鏗為湘東王參軍與賓友宴飲見行觴者因回酒炙授之坐客皆笑鏗曰吾儕終日酣醉而執爵者不知其味非人情也及侯景亂鏗為賊擒或救之得免鏗問之乃前行觴者又顧榮同

啖執炙者

顧榮與同僚宴飲見執炙者狀貌不凡有欲炙之色榮割炙啗之坐者問其故榮曰豈有終日執之而不知其味者乎及趙王倫篡位以榮為長史倫敗榮被執將誅而執炙者為督率救之得免

至晚無佳設

羊曼拜丹陽尹客來早者並得佳設日曼漸罄不復及精隨客
早晚不問貴賤羊固拜臨海竟日皆美供雖晚至亦獲盛饌時
論以固之豐華不如曼之真率

回頭避妓

齊王琨性謹慎顏師伯豪貴設女樂要琨傳酒行次皆命妓傳
行每至琨令置牀上回面避之然後取畢又如此坐上皆笑

不飲而好賓

梁羊侃不飲酒而好賓遊終日獻酬同其醒醉

不飲而好觀醉

後周長孫澄雖不飲酒好觀人酣醉嘗置坐客請歸勅中厨別
進異饌

一會千萬緡

郭子儀入朝上命元載王縉魚朝恩等互置酒於其第一會之
費至千萬緡通鑑

非公會不飲

段秀實非公會不飲

不飲為惡客

元結以不飲者為惡客

把酒相歡

裴度字中立治第集賢里野服蕭散與白居易劉禹錫為文把
酒窮晝夜相歡不問人間事

鋪花為裊

學士許慎與親友宴花園中聚落花鋪坐曰吾自有花衲何消坐具天寶遺事

笏擊姦臣

顧少連裴延齡方橫無敢忤者嘗與少連會田錫第酒酣少連挺笏曰段秀實笏擊賊臣今吾笏將擊姦臣奮且前元友直在坐勸解之

費錦纏頭

開元中富人王元寶嘗負客明日親友問之曰昨來高會有何高談元寶不文視屋良久曰但費錦纏頭耳

誤以醯進唐李景略嘗負賒佐行酒者誤以醯進判官京兆任廼簡以景

略性嚴恐行酒者獲罪強飲之順紀

儉不二羹

柳玘曰高侍郎兄弟二人俱居清列非速客不二羹歲夕食惟葡萄而已

必來獵酒

五代漢韋思在上黨五年唯務聚飲未嘗與賔佐燕會有從事求見思怒曰必是來獵酒也命典客飲而遣之續世說不可屈致

仁宗朝李都尉喜延士大夫盡聲色之樂一時館閣清流無不往者韓魏公最年少獨未嘗造焉李數召而公數以事辭人有強之者公曰固欲往但未有名耳公處之不失和季莫能致怨

當時諸公亦不以爲介也別錄

先呈樂語

文潞公尹洛伊川時爲判監一日府會四客伊川以見任故赴到客次見樂人來呈樂語并詩詞先生訝之曰不須呈看何故如此樂人曰昨日得太師鈞旨明日請程侍講詞曲並要嚴謹依禮法故先來呈

息從卒喧

文潞公知益州喜遊宴嘗宴鈴轄廨舍夜久不罷從卒輒折馬廐爲之薪不可禁邊軍校白之座客股栗公曰天實寒可折與之神色自若飲如故從卒氣沮無以爲變記聞

閉關苛留

寇準在中書多名兩制就第飲宴必閉關苛留之畏醉者甚懼李宗諤嘗於門扉下竊出得馬而走金坡遺事

不能強之飲

司馬溫公嘗曰昔與王介甫同爲郡牧司判官包孝肅公爲使時號清嚴一日郡牧司牡丹盛開包公置酒賞之公舉酒以勸光素不飲酒亦強飲介甫終席不飲包公不能強也光以此知其不屈聞見錄

布衣與執政燕

蘇明允至和間來京師既爲歐陽文忠所知其名翕然韓忠獻諸公皆待以上客嘗遇重陽忠獻置酒私第惟文忠與一二執政而明允乃以布衣參其間都人以爲異禮石林詩話

作真率會

范忠宣公純仁判留臺時一時者舊多在洛公與司馬公皆好客而家貧相約為真率會脫粟一飯酒數行過從不問一日洛中誇以為勝事行狀

昔儉今奢

温公曰先公為郡牧判官客至未嘗不置酒或三行或五行不過七行酒沾於市果止梨栗棗柿有止於脯醢菜羹器用麤漆當時士大夫皆然人不相非也會數而禮動物薄而情厚近日士大夫家酒非內法果非遠方珍異食非多品器皿非滿案不敢會賓友嘗數日營聚然後敢發書局或不然人爭非之以為鄙吝故不隨俗奢靡者鮮矣嗟呼風俗頹敝如是居位者雖不

能禁忍助之乎聞見錄

酒澆葛隗以下係飲酒

王遜問王忱阮籍何如司馬相如忱曰阮籍胸中何隗故須戒之世說言同相如唯有酒異

葛巾漉酒

陶潛逢酒熟取頭上葛巾漉之畢還復著之

避暑飲見六月門

口唯宜飲

謝朓為吳興與弟淪於征虜者送別朓指淪口曰此中唯宜飲仙浴酒甕

張開光嘗與母及弟出遊獨留姬于舍俄有道士敝衣冠疥癩

被體直入裸浴酒甕中。姬不能拒。既暮出遊。歸渴甚。聞酒芳烈。亟就甕中飲。姬心惡。道士不敢白。而但不飲。居數日。開光與弟拔宅而去。此事與葛洪神仙傳李八百事略同。曾慥集仙傳

醉人見誣

郭肱有才學而輕脫。夜出為醉人所誣。太守詰問。肱笑曰。張公喫酒。李公醉者。肱是也。太守令作張公喫酒。李公醉賦。肱云。事有不可測。人當防未然。何張公之飲也。乃李老之醉焉。清河文。人方肆杯盤之樂。隴西公手俄遭酪酊之愆。守笑而釋之。道齋閑覽

古今文集

雜著

趙李仁司直習鄉飲酒序 見鄉里門

賜醕源流

宋初魏令猶有漢唐之遺風。大中祥符元年正月三日。天書降。太赦改元東都賜醕五日。天下賜醕三日。此蓋漢遺事也。漢律。三人以上無故飲酒。罰金四兩。故漢以賜醕為惠澤。今得羣飲酒也。醕音蒲。注曰。王德布於天下。而今聚飲食為醕。或問賜醕起於漢乎。僕對曰。趙世家載。武靈王行賞。太赦置酒醕五日。則自戰國時已如此矣。程泰之

藍尾酒

白樂天元日對酒詩。三盃藍尾酒。一堞膠牙餽。又云。老過占他藍尾酒。病餘收得到頭身。歲盡後。推藍尾酒。春盤先勸膠牙餽。荆楚歲時記云。膠牙者。取其堅固如膠也。而藍尾之義殊不可

曉河東記載申屠澄與路旁茅舍老父媪及處女環火而坐媪
自外挈酒壺至曰此君員寒且進一盃澄因揖遜曰始自主人
翁即巡澄當藍尾蓋以藍為焚當藍尾者謂最在後飲也葉少
蘊石林燕語云唐人言藍尾多不同藍字當作唼出於侯白酒
律謂酒巡匝未坐者連飲一盃為藍尾未坐遠酒行到常遲故
連飲以慰之以唼為貪婪之意或謂唼為嚙如鐵入火貴其出
色此尤無稽則唐人自不能曉此葉之說如此予謂不然曰公
三盃之句只為酒之巡數耳安有連飲者哉侯白滑稽之語見
於啟顏錄唐藝文志曰有啟顏錄十卷雜語五卷不聞有酒律
之書也蘇鶚演義亦引其說容齋隨筆

古詩

郡中與諸文士讌集

韋應物

兵衛森畫戟燕寢凝清香海上風雨至逍遙池閣涼
痾疴正消斂嘉賓復滿堂自慙居處崇未覩斯民康
理會是非遣性達形迹忘鮮肥屬時禁蔬果幸得嘗
俯飲一盃酒仰聆金玉章神歡體自輕意欲凌風翔
吳中盛文史羣彥今洋洋方知大藩地豈曰財賦強

歌舞

白居易

秦城歲云暮大雪滿皇州雪中朝退者朱紫盡公侯
貴有風雲興富無饑寒憂所管為第宅所務在追遊
朱輪車馬客紅燭歌舞樓歡酣促客坐醉暖脫重裘
秋官為主人廷尉居上頭日中一為樂夜半不能休
豈知閹鄉獄中有凍死囚

到官病倦未嘗會客毛正仲惠茶乃以端午小集石塔戲作一詩為謝

蘇子瞻

我生亦何須一飽萬想滅胡為設方丈養此膚寸舌東來又衰病過午食輒噎認為淮海帥每愧厨傳缺舉合欲清人奉使免內熱莊子人間世吾食也孰粗而不減寒無欲清之人空煩赤泥印遠致紫玉玦為君伐羔豚歌舞菰黍節禪窓麗午景蜀井出水雪坐客皆可人鼎噐手自繫金釵候湯眼魚蟹亦應訣遂冷色香味一日備三絕報君不虛授知我非輕啜

四事

邵堯夫

會有四不赴時有四不出無貴亦無賤無固亦無必里閭閑過從身安心自逸如此三十年幸逢太平日

謂公會生會葬會醜會太寒太暑太風大雨也

勸酒

白居易

昨與美人對樽酒朱顏如花腰似柳今與美人傾一盃秋風颯颯頭上來年光似水向東去兩鬢不禁白日催東隣起樓高百尺璇題照日光相射珠翠無非一八人盤筵何翅三千客隣家儒者方下帷夜誦古書朝忍饑身年三十未入仕仰望東鄰安可期一朝逸翮乘風勢金榜高張登上第春闈未了又登科九萬搏風誰與繼不逾十稔居台衡門前車馬紛縱橫人人仰望在何處造化筆頭雲雨生東隣高樓色未改主人云亡息猶在金玉車乘一不存朱門更有何人待垣墻反鎖長安春樓臺漸漸屬西隣松篁蕩暮亦棲鳥桃李無情還笑人憶昔東隣宅初

構雲霓彩棟皆非舊。瑤瑤筵前翡翠樓。芙蓉池上鴛鴦園。日往月來凡幾秋。一衰一盛何悠悠。但教帝里笙歌在。池上年年醉五侯。

律詩

飲散夜歸贈諸客

白居易

車馬夜紛紛。香街起暗塵。迴鞭招醉妓。分火送歸人。風月應堪待。盃觴莫厭頻。明朝二月盡。恐不送殘春。

東都冬白會諸同年宴鄭家林亭得先字 白居易

盛時陪上第。暇日會羣賢。桂折應同樹。鸞遷各異年。賓階紛組綬。妓席儼花鈿。促膝齊榮賤。差肩次後先。助歌林下水。鎖酒雪中天。他日昇沉者。無忘共此筵。

宴散

白居易

小宴追涼散。平橋步月迴。笙歌歸院落。燈火下樓臺。殘暑蟬催盡。新秋鴈帶來。將何迎睡興。臨臥舉殘盃。

安之以詩一絕見招作真率會尤以無從者不及赴
依韻和呈 司馬君實

真率由來無次序。經旬踰月不為稀。藍輿但恨無人舉。坐想紛紛醉落暉。又 盃盤豐腆勝陶令。園沼繁華減白家。惆悵佳辰掩蓬蓽。不陪高會賞鄰花。

和

文寬夫

近知雅會名真率。有意從真各任真。啜菽畫甘顏子陋。食鮮不愧庾郎貧。加籩只恐勞煩主。緝御徒能困倦賓。適適安安方簡

易古來彭澤是其人

和

范醇夫

賢者規模衆所遵，屏除外飾貴全真。蓋簪既屢宜從簡，爲具雖疎不愧貧。免事獻酬修未節，都將誠實奉嘉賓。豈惟同志欣相照，清約猶能化後人。

和

鮮于子駿

羨藜寂寞天隨子，換酒風流賀季真。談水論交自忘味，道腴充實不知貧。萬錢縱侈輕豪貴，三壽優游萃燕賓。奔走每憐饒俗狀，謫官猶作會中人。

和潞公真率會詩

司馬君實

洛下衣冠愛惜春，相從小飲任天真。隨家所有自可樂，爲具更

微誰去貧不待珍羞，方下筋只將佳景便娛賓。庾公此興知非淺，藜藿終難作主人。

詩話

醉紅裙

東坡謂韓退之詩長安衆富兒，盤饌羅樽輩不解。文字飲惟能醉紅裙，至云艷姬踏筵舞，清眸射劍戟，則知此老箇中興復不淺。西清詩話

一客傷衆賓

李定晏元獻公之甥，文亦奇，欲預養神會而蘇子美以任子拒之，致興大獄。梅聖俞詩云：一客不得食，覆鼎傷衆賓，是也。詩話譏不常設燕

事文類聚續集

卷之十四

三

陳恭公知揚州陳少卿亞曰。近作一謎。四箇脚子直上。四箇脚子直下。經年度歲不魯下。若下時不是風起便雨下。公未曉亞曰。乃待制廳上茶牀。苟或宴會卽慳值風。澁值雨也。倦遊雜錄雜著 以下係飲酒

陶白奢儉不同

張文潛云。陶元亮雖嗜酒家貧不能常飲酒而况必飲美酒乎。其所與飲多田野樵漁之人。班坐林間所以奉身而悅口腹者蓋略矣。白樂天亦嗜酒其家釀黃醕者蓋善酒也。又每飲酒必有絲竹僮妓之奉。洛園山水風物甲天下其所與游如裴度劉禹錫之徒皆一時名士也。夫欲為元亮則窘陋而難安。欲為樂天則備足而難成。吳德仁居二入之間真率僅似陶而奉養略

如白其於達則並有之豈非賢哉 漁隱叢話

古詩

飲酒

陶潛

清晨聞扣門倒裳往自開問子為誰與。田父有好懷壺漿遠見候。疑我與時乖藍縷茅簷下未足為高栖。一世皆尚同願為汨其泥深感父老言稟策寡所諧。紆轡誠可學違已詎非迷且共歡此飲吾駕不可回。

羲農去我久舉世少復真汲汲魯中叟彌縫使其淳鳳鳥雖不至禮樂暫得新洙泗輟微響漂流逮任秦詩書復何罪一朝成灰塵區區諸老翁為事誠殷勤如何絕世下六籍無一親終日馳車走不見所問津若復不快飲空負頭上巾但恨多謬誤君

當愁醉人

遭田父泥飲美嚴中丞

杜甫

赤塵隨春風，村村自花柳。田翁逼社日，邀我嘗春酒。酒酣誇新
尹，畜眼未見有回頭。指大鼻，渠是弓弩手。名在飛騎籍，長番歲
時久。前日放營農，辛苦救衰朽。差科死則已，誓不舉家走。今年
大作社，拾遺能往否。叫婦開大瓶，盆中為吾取。感此氣揚揚，須
知風化首。語多雖雜亂，說尹終在口。朝來偶然出，自卯將及酉。
久客惜人情，如何拒鄰叟。高聲索果栗，欲起時被肘。指揮過無
禮，未覺村野醜。月出遮我留，仍嗔問升斗。

賢者豹隱墟，落固當和光。同塵雖舍者，爭席奚病而。况於
孟酒之間哉。陶淵明杜子美皆世偉人也。每田父索飲必

使之畢其歡而後去。淵明詩云：清晨聞扣門，倒裳往自開。
問子為誰歟。田父有好懷，壺漿遠見候。疑我與時乖，老杜
詩云：田翁逼社日，邀我嘗春酒。叫婦開大瓶，盆中為吾取。
一公皆有位者也。於田父何拒焉。至于田父有云：一世皆
尚同，願君汨其泥。之說，則姑守陶之介。久客惜人情，如何
拒鄰叟。則何妨杜之通乎。陽秋

獨酌謔

沈炯 英華

獨酌謔，獨酌謔，獨酌獨長謔。智者不我顧，愚夫余不與。不愚復
不智，誰當余見招。所以成獨酌，一酌一傾瓢。生涯本謾謾，用意
暫迢迢。再酌矜許史，三酌傲松喬。頰頰四五酌，不覺凌丹霄。條
忽厭五鼎，俄然賤九韶。彭殤無異葬，夷詎可同朝。龍蠖非不屈

鵬鷄本道遙寄語號啾俗無乃太塵囂

律詩

飲酒

杜荀鶴

憑君滿斟酒聽我醉中吟客路如天遠侯門似海深新墳侵古道白髮戀黃金不以貧為耻從來恨此心

酒

翁綬

陶暑迎春復送秋無非綠蟻滿盃浮百年莫惜千回醉豈能消萬古愁幾為芳菲眠細草曾因雨雪上高樓平生名利關身者不識狂歌到白頭

新編古今事文類聚續集卷之十四

新編古今事文類聚續集卷之十五

建安

祝穆

和父

編

金陵

唐富春

子和

刊

燕飲部

罰飲 酒令

羣書要語觴其不敬者周禮兕觥其觶注罰爵也觶然不用桑

凡此飲酒或醉或不既立之監或佐之史彼醉不臧不醉反

耻式勿從謂無俾太息匪言勿言匪由勿語由醉之言俾出童

殺三爵不識矧敢多又賓之初筵

詩句明當罰一子已洗兩玉舟坡全篇見百罰深盃亦不辭杜

事類彙編

卷之十四

一

快須飲此勿復辭何用區區較醒醉坡好詩惡韻應難和刻燭
應須便置觥坡

古今事實

揖遜而飲

子曰君子無所爭必也射乎揖讓而升下而飲其爭也君子

揚觶而酌

智悼子卒未葬晉平公飲酒師曠季調侍鍾鼓杜蕢入寢酌曰
曠飲斯又酌曰調飲斯又酌堂上北面而飲之降趨而出皆謂
平公呼而進之曰蕢曠者爾心或開予是以不與爾言爾飲曠
何也曰子卯不樂紂以甲子死桀以乙卯亡王者謂知悼子在
堂斯其為子卯也大矣言大臣喪重曠也大師也不以詔是以

飲之也師典爾飲調何也曰調也君之藝臣也為一飲一食忘

君之疾是以飲之也言調食酒食藝近也爾飲何也曰蕢也宰

夫也非刀七是共又敢與知防是以飲之也防禁公曰寡人亦

有過焉酌而飲寡人杜蕢洗而揚觶公曰如我死則必無廢斯

爵也遂謂之杜舉檀弓

浮以太白以下係酒令

魏文侯與大夫飲使公乘不仁為觴政曰飲若不盡浮之太白

文侯不盡公乘不仁舉白浮君也說苑

遺令棄酒

齊桓公置酒令曰後者飲一經程管仲後當飲一經程而棄其
半公曰何也曰臣入口者舌出舌出者棄身與其棄身不心棄

事類彙編 卷之五十一
酒乎公曰善韓詩外傳

酒令起東漢

古者酒令名卷白波起於東漢禰衡曰波賊如席卷故酒席言之以快人意事始

習字令

後魏孝文帝會群臣酒酣帝舉卮曰三三橫兩兩縱誰能辨之賜金鍾越城王勰曰此是習字伽監記

酒後爭令

元相公在浙東賓幙有薛書記酒後爭令以酒罌擲傷公猶子遂出幕作十離詩以獻見離別門

薛濤改酒令

高駢鎮成都命酒佐薛濤改一字令曰須得一字象形又須逐韻公曰口有似沒梁斗濤曰川有似三條椽公曰奈何一條曲濤曰相公為西川節度尚使一沒梁斗至於窮酒佐有三條椽內一條曲又何足怪丁用晦芝田錄

古今文集

雜著 以下係酒令

招手令

皇甫嵩

亞其虎膺謂手掌曲其松根謂指節以樽鳴聞虎膺之下樽鳴大指也以鈎戟差玉柱之旁鈎戟頭指玉柱中指也潛虬闕玉柱三分潛虬無名指也奇兵闕潛虬一寸奇兵小指也死其三洛謂騷其臍也生其五峯通呼五指也類說

詩話

酒令屬對

唐人飲酒必為令以佐歡其變不一樂天所謂閑徵雅令窮經史韓退之令徵前事為之今猶有其遺習也嘗有人舉令云馬援以馬革裹屍死而後已答者乃云李耳以李樹為姓生而知之又鉏麈觸槐死作木邊之鬼答者以豫讓吞炭終為山下之灰皆可謂精的也復有舉經句字相屬而文重者曰火炎崐岡乃有土圭測景酬之此亦不可多得也 蔡寬夫詩話

松子搏拳

孔常甫言唐人詩有云城頭推鼓傳花板席上搏拳握松子乃知酒席藏闡為戲其來久 賈臯雜錄

酣飲

羣書要語困于酒食困卦有孚于飲酒濡其首亦不知節也未濟其酒嗜音未或不亡五子之歌敢有酣歌于室時謂巫風伊訓賓之初筵温温其恭其未醉止威儀反友曰既醉止威儀備帟舍其坐遷屢舞仙仙賓既醉止載號載歌亂我邊豆屢舞傲傲是曰既醉不知其郵側弁之俄屢舞僇僇賓筵醉者墮車雖疾不死彼得全於酒猶若是况全於天乎莊達生唯酒無量不及亂語昔之飲酒有揖讓而酬酢百拜以為禮者有叫號屢舞如沸如羹以為極者有裸裎袒裼以為達者有資絲竹金石之樂以為和者有以數促糾迷而為密者柳文

事類彙編

卷之五

四

詩句誰能更拘束爛醉是生涯杜將何謝青春醉飲三百盃杜
三盃容小阮醉後發顛狂李我醉都不知但覺紅綠敗坡不當
愛一醉倒借路人扶山谷先拚一飲醉如泥杜莫思身外無窮
事且盡生前有限盃杜共成一百七十歲各醉二萬六千場坡

古今事實

羲和酒淫

羲和酒淫廢時亂百胤徃征之

以酒為池

紂好酒淫樂戲於沙丘以酒為池以肉為林為長夜之飲百姓
怨望史

千鍾百盞

昔平原君與子高飲強子高酒曰昔有遺諺堯舜千鍾孔子百
斛子路嗑嗑尚飲百榼古之賢聖無不能飲也吾子何辭焉子
高曰以予所聞聖賢以道德兼人未聞以飲也平原君曰即如
先生言則此言何生子高曰生於嗜酒者益以勸勵之辭非實
然也孔叢子

聚酒積麴

子產有兄曰公孫朝好酒朝之室也聚酒千鍾積麴成封糟漿
之氣逆於人鼻方其金於酒也不知世道之安危人理之悔公

滅燭臺衣

平原君夜飲燭滅客牽美人衣美人絕其纓

窟室夜飲

鄭伯有嗜酒為窟室壑谷夜飲而擊鍾為子皙所焚左

未上其夜

桓公樂飲以火繼之敬仲辭曰臣上其晝未上其夜

進熱啜

趙襄子與代主飲陰告厨人曰即酒酣樂進熱啜史張儀傳

能飲一石

威王問淳于髡曰先生能飲幾何而醉髡曰賜酒太主之前執法在旁御史在後恐懼俯伏不過一斗徑醉矣若親有嚴客奉觴上壽不過一斗若朋友交遊父不相見卒然相睹歡然道故私情相飲可五六斗若乃州閭之會男女雜坐六博投壺相引為曹握手無罰目眙不禁此可飲八斗日暮酒闌合尊促席男

女同席烏履交錯堂上燭滅主留髡而送客羅襦襟解微聞鄰澤當此之時髡心最樂能飲一石故曰酒極則亂樂極則悲以諷諫焉齊王曰善乃罷長夜之飲史記

日飲無何

漢袁盎遷吳相益兄子種謂曰吳王驕日久國多奸今絲欲刻治彼不上書告君則利劍刺君矣南方卑濕絲能日飲亡何說王毋反而已如此幸得脫益用其計吳王厚遇益

吏舍歌呼

曹參代蕭何為相擇郡國吏謹厚者即召除為丞相史吏信又刻深欲務聲名輒斥去之日夜飲酒卿大夫以下吏及賓客見參不事事來者皆欲有言至者參輒飲以醇酒度之欲有言復

飲酒醉而後去終莫得開說相舍後園近吏舍吏舍日飲歌呼
從吏患之無如何適請參遊後園聞吏醉呼乃反取酒張坐飲
大歌呼與相和參子密為中大夫惠帝性參不治事謂密曰女
歸試從容問乃父曰君為相國日飲無所請事何以憂天下密
歸而諫參怒而笞之至朝帝讓參參免冠謝曰高帝與何定
天下法令既明且陛下垂拱參等守職遵而勿失不亦可乎帝
曰善君休矣本傳令出休息

灌夫罵座

漢田蚡為丞相娶燕王女為夫人詔宗室列侯皆往賀魏其侯
竇嬰欲與灌夫俱夫謝曰夫數以酒失過丞相丞相今者與夫
有隙嬰強與俱酒酣蚡起為壽坐皆避席伏已嬰為壽獨故人

避席余半膝席夫行酒至蚡蚡膝席曰不能滿觴夫怒因嬉笑
曰將軍貴人也畢之蚡不肯行酒至臨汝侯灌賢賢方與程不
識耳語又不避席夫怒罵曰平生敗程不識不直一錢今日長
者為壽迺欲效兒女曹帖聾耳語蚡曰程李俱東西宮衛尉今
眾辱程將軍仲孺獨不為李將軍地乎夫曰今日斬頭穴匈何
知程李蚡怒曰此吾驕灌夫罪也藉福起按夫項令謝夫愈怒
不肯順蚡召長史曰今日召召室有詔劾灌夫罵座不敬得棄
市罪

以醉失儀

東方朔嘗醉入殿中小遺殿上劾大不敬免為庶人 張安世
為光祿勳郎有醉小便殿上主事曰行法安世曰何以知其非

反水漿耶其掩入過如此

使酒難近

季布為河東守孝文時人言其賢者孝文召復有言其勇使酒難近至留邸一月見罷

醉歸廢事

陳遵日出醉歸曹事數廢西曹以故事適之侍曹詣寺舍曰遵遵曰滿百乃相聞以故事有百適者斥

吐汚車茵

丙吉字少卿馭吏嗜酒嘗從吉出醉嘔丞相車上西曹主吏白欲斥之吉曰以醉飽之失去士使此人將復何所容西曹地但忍之此不過汚丞相車茵耳

次公酒狂

平恩侯許伯入第丞相御史將軍中二千石皆賀蓋寬饒不行許伯請之乃往從西階上東鄉特坐許伯自酌曰蓋君後至寬饒曰無多酌我我迺酒狂丞相魏侯笑曰次公醒而狂何必酒也坐者皆屬目卑下之酒酣樂作長信少府擅長卿起舞為沐猴與狗鬪坐皆大笑寬饒不悅仰視屋而歎曰美哉然當貴無常忽則易人此如傳舍所閱多矣唯謹慎為得久君侯可不戒哉因起趨出劾奏長信少府以列卿而沐猴舞失禮不敬上欲罪少府許伯為謝良久上迺解

裸袒而飲

蒼靈末常侍張讓子奉為大醫令與人飲酒輒去衣露形為戲

樂典論洛陽令郭珍家臣億每召客侍婢數十盛裝飾羅縠披之裸袒其中使進酒同上

以聖賢命名

魏太祖時禁酒人竊飲之故難言酒以白酒為聖人清酒為賢人魏略

醉後欲殺

孫權既為吳主歡宴之末自起行酒虞翻伏地佯醉不起權大怒手拔劍欲擊之劉基抱權諫翻由是得免權因勅自今酒後言殺皆不得殺也吳志

強使多飲

孫皓每饗宴無不竟日坐席無能言率以七升為限雖不悉入

口皆澆灌取盡常嗜素飲酒不過二升初見禮異時常為裁減或密賜茶茗以當酒至於寵衰更見逼強輒以為罪又於酒後使侍臣難折公卿以嘲弄侵尅發擿私短為歡笑吳志

針驗醉醒

劉表設太針於杖端客有酒輒以刺之驗醉醒也典論

酒五百斛

吳鄭泉字文淵嗜酒每云願得美酒滿五百斛船以四時甘脆置兩頭反覆飲之飽即住啖肴膳酒有升斗減隨即益之

時中聖人

徐邈字景山仕魏為尚書郎時禁酒而邈私飲沉醉趙達問以曹事邈曰中聖人達白之太祖怒鮮于輔進曰醉客謂酒清者

爲聖人濁者爲賢人邈偶醉言耳後文帝幸許昌問邈曰頗復
中聖人否邈曰昔子反斃於穀陽御叔罰於飲酒臣嗜同二字
不能自懲時復中之帝大笑曰名不虛立

得酒中趣

孟嘉好酣飲愈多不亂桓温問嘉酒有何好而卿嗜之嘉曰公
未得酒中趣耳本傳

得一老兵

謝奕嘗過桓温飲温走入南康主門避之主曰君若無狂司馬
我何由得相見弈遂携酒就廳事引温一兵帥共飲曰失一老
兵得一老兵亦何所怪温不之責本傳

劉伶醜醉

劉伶縱酒或脫衣裸形在屋中人見譏之伶曰我以天地爲棟
宇屋室爲禪衣諸君何爲入我禪中世說常乘鹿車携一壺酒
使人荷甬而隨之曰死便埋我

畢卓獲間

畢卓爲吏部郎比舍郎釀熟卓夜至獲間盜飲爲掌酒者所縛
且視之乃畢吏部遂引卓入宴於獲側致醉而去嘗謂人曰給
酒滿數百斛船四時甘味置兩頭左手持蟹螯右手持酒盃拍
浮酒船中便足了一生矣

倒着白接離

山簡字季倫爲荊州時出高陽池大醉而歸人歌曰時時能騎
馬倒着白接離

居喪飲酒

阮藉遭母憂在晉文王座進酒肉司隸何曾亦在座曰明公方以孝理天下而阮藉以重哀顯於公座飲酒食肉宜流之海外以正風教文王曰嗣宗毀頓如此君不能共憂之且有疾而飲酒食肉固喪禮也藉飲噉不輟神色自若步兵校尉厨中有貯酒數百斛藉乃求為步兵

騎馬似乘船

阮咸醉騎馬敬傾人皆指而笑曰箇孝子騎馬如乘船行波浪中

羣豕共飲

諸阮皆能飲酒咸至宗人間共集不復用杯觴斟酌以太盆盛

酒圍坐相向更飲時有群豕來飲其酒咸直接去其上使共飲之

窺狗竇大叫

光逸字孟祖為胡毋輔之所屬輔之與謝鯤阮放畢卓羊曼栢爨阮孚散髮裸袒閉室酣飲已累日逸將排戶入守者不聽逸便於戶外脫衣露頂於狗竇中窺之而大叫輔之驚曰他人決不能爾必我孟祖也遽呼入遂與飲不捨晝夜時人謂之公達

客飲腐膾

晉周顛在北時能飲酒一石及過江雖日醉每稱無對偶有舊對從北來顛欣然出二石酒共飲各大醉及顛醒使視客已腐

死

墮積

更數字者高於東海王越坐頽然醉墮積几上

飲人狂藥

長水校尉孫季舒嘗與石崇酣燕慢傲過度崇欲表免之裴楷聞之謂崇曰足下飲人狂藥責人正禮不亦乖乎楷傳

醉不廢事

孔顛為江夏內史性便酒每醉輒彌日不醒居常貧罄未嘗關懷為府長史典籤諮事不呼前不敢前不令去不敢去雖醉日居多而明曉政事醉時判決未嘗有壅眾咸云孔公一月二十九日醉勝世人一月二十九日醒也

夫妻嗜酒

沈文季出為吳興太守文季飲酒至五斗妻王氏飲亦至三斗常對食竟日而視事不廢

玉山頽

嵇康醉倒如玉山之將頽

道間酣飲

裴粲未為丹陽尹嘗步禱白楊郊野間道遇一士大夫便呼與飲酣明白此人謂被知頻到門下求進粲曰昨飲酒無偶聊相要耳竟不與相見

飲諸將醇酒

晉羊祜鎮荊州每與吳人交兵祜日方戰不為掩襲之計諸將

欲進諂詐之策者輒以醇酒使不得言

不如一盃酒

張翰任心自樂不求當世或謂之曰卿乃可縱道一時獨不為身後名耶答曰使我有身後名不知即時一盃酒時人貴其曠達

被髮裸形

晉王忱字元達坦之子也性嗜酒一飲連月不醉每日三百不飲便覺精神不相親婦父常有慘怛乘醉與之婦父慟哭忱與客十餘人連臂被髮裸見而入繞之三匝而出

酒泉太守

晉有羌人桃馥字世芳充廐園每醉中好言王者興亡之事常

云九河之水不足以清麩藥八藪之木不足以爲薪蒸七澤之麋不足以充庖俎言渴於酒群輩呼爲渴羌武帝授以朝歌守馥願且爲馬園時賜美酒以樂餘年帝曰朝歌紂之舊都地有酒池故使老羌不復呼渴固待遷酒泉太守地有清池其味若酒馥乘醉拜受焉拾遺記

劇飲不亂

華歆能劇飲至石餘不亂常整其衣冠號曰華獨坐

將老糟丘

陳暄嗜酒兄子秀致書於暄友冀以諷諫暄聞與秀書曰吾有此好已五十餘年汝以飲酒爲非吾以不飲爲過昔周伯仁渡江嗟三日醒吾不以爲少鄭康成一飲三百盃吾不以爲多又

專文類集續集 卷之五
十三
曰江諮議有言酒猶兵也兵可千日而不用不可一日而不備
酒可千日而不飲不可一飲而不醉美哉江公可與共論酒矣
吾生平所願身沒之後題吾墓曰陳故酒徒陳君之神道又云
何水部眼不識孟蠶吾不離瓢酌汝寧與何同日而醒與吾同
日而醉乎速管糟丘吾將老焉

以醉謾人

宋顏延之以醉謾河尚之尚之望見便陽眠延之發簾熟視曰
朽木難雕尚之謂左右曰此人醉甚可畏

唯宜飲酒

梁謝朓在齊為吳興守弟滄為尚書於征虜者送朓指滄口曰
此中唯宜飲酒故滄以長酣為事

騶卒對飲

謝幾卿為宋尚書左丞嘗預游苑宴不得縱酒致醉及還因詣
道邊酒壚停車褰幔脫衣換酒與車前騶卒對飲觀者如堵幾
卿處之自若清狂錄

裸飲遺瀾

梁謝幾卿為尚書左丞於省閣裸飲及醉小遺下遺令史為南
司所彈幾卿亦不介意

明月對飲

宋謝謏不妄交接有時酌曰入吾室者但有清風對吾飲者唯
當明月元

大樂有大苦

專文類集續集

卷之五

十四

北齊王紘字師羅為領左右都督文宣與左右飲酒曰快哉大
樂紘曰亦有大苦帝曰何苦紘曰長夜荒飲不悟國破是謂大
苦帝默然

夜分決事

崔咸累遷陝虢觀察使日與賓客僚屬痛飲未嘗醒夜分決事
裁剖精明無一毫差更稱為神

醉中召見

李白字太白有詔供奉翰林日與酒徒醉于市帝坐沉香亭意
有感欲得白為樂章召入而白已醉左右以水頰面嘗侍帝醉
使高力士脫靴力士素貴耻之

自誌醉死

唐傅奔病未嘗問醫忽酣卧嗷然曰吾死矣乎即自誌曰傅奔
青山白雲人也以醉死嗚呼

出飲遭劫

劉伯芻遷主客員外郎數過友家飲曠為常執事所除劫賊處
州參軍

三升可戀

王績其飲至五斗不亂人有以酒邀者無貴賤輒往者五斗先
生傳武德中詔徵以揚州六合縣丞待詔明下省時省官例日
給良醞三升君弟名靜為武皇千牛謂曰待詔可樂否君曰吾
待詔祿俸殊為蕭瑟但良醞三升差可戀耳待詔江國公君之
故人也聞之曰三升良醞未足以絆王先生判日給王待詔一

斗時人號為斗酒學士貞觀中以家貧赴選時太樂有府吏集
董家善醞酒冠絕當時君苦求為太樂丞選司以非士職不授
君再三請曰此中有深意且士庶清濁天下所安不聞莊周避
漆園老聃耻柱下卒授為數月而焦革死妻袁氏時送美酒歲
餘袁又死君歎曰天乃不令吾飽美酒遂掛冠歸田自是太樂
丞為清流君葛巾聯牛躬耕東臯自稱東臯子

酣飲取喻

鴻臚孔群好飲酒王丞相詩云卿恒飲酒不見酒家覆餅布日
月久則糜爛群曰公不見糟中肉乃更堪又世說

曼卿豪飲

石曼卿喜豪飲與布衣劉潛為友嘗伴海陵潛訪之劇飲中夜

酒欲竭有醋斗餘乃傾入酒中併飲之明日酒醋俱盡每與客
痛飲露髮洗足着穢而坐謂之囚飲坐末抄謂之巢飲以薑東
之引首出飲復就束謂之驚飲類苑

以妻間坐

竇卞與王永年接熟卞知深州永年為監押遂至通家既而卞
在京師永年求監金曜明書廬卞為干提舉監司楊繪繪遂薦
之既相親暱永年嘗置酒延卞繪於私室出其妻間坐妻以左
右手掬酒飲卞繪謂之白玉蓮花杯其褻狎如此東軒筆錄

古今文集

雜著

酒箴 諷諫成帝

楊雄

酒客難法度之士。譬之於物。曰：子猶瓶矣。觀瓶之居。居井之眉。處高臨深。動常近危。酒醪不入。口藏冰。滿腹不知左右。牽於纏。微井索也。一旦上絹反。礙礙為寔。礙丁浪反。以也。所輻音雷。擊也。身提黃泉。骨肉為泥。自用如此。不如鴟夷。鴟夷滑稽。圓轉不。腹如木。壺。晝日盛酒。人復借酤。常為國器。託於屬車。天子屬車常載酒食。出入兩官。經營公家。繇是言之。酒何過乎。見陳遵傳

能飲辯

王充

文王飲酒千鍾。孔子百觚。聖人膏腹。小大與人均等。若飲千鍾。宜食百牛。能飲百觚。則能食十羊。使文王身如防風。孔子身如長狄。文王孔子率禮之人。垂譽後世。豈千鍾百觚耶。紂車行酒。騎行多。二十日為一夜。拔紂以酒為池。因車行酒。以肉為林。

因為騎行多耳。或是覆酒滂沱於池。因為池釀酒積糟。因為肉懸肉似林。因言肉林耳。論衡

晉蔡謨贊

王回

晉自武帝酒色無度。王公貴人競以酒色相後。而王愷石崇尤甚。愷使美人行勸客飲。不盡輒殺。美人崇常夜飲。諸少年酒裴綽乘醉竊卧崇妾中。明旦裴家遣車迎綽。綽上車馳去。崇聞大怒。立殺數妾。將訟綽於朝。綽兄楷書請曰：吾弟酒狂。海內足知。足下飲以在藥。而反責之禮耶。崇方慕楷。欲交之。亦憚其辭。乃止。其後渡江。諸君家往往猶襲故態。紀瞻為尚書。置酒請王導。委觀妓。瞻愛妾能歌。新聲左僕射護軍周顛乘酒於眾中。挑之而不得。有司劾顛荒酒失儀。元帝特詔看焉。是時在位益不以

淳醜爲貶如此蔡謨獨好禮自敕嘗詔丞相導導方作伎設末
席謨不悅而去導亦不留客也謨曾孫廓廓子興宗仍以好神
自勅達於朝雖時淫暴不敢稍侵媒人稱其家風贊曰
古者林第之言不踰閭而賓主燕享以觀禮樂講仁義也烏有
男女亡辨晝夜荒蠱群於禽獸而反以爲樂歟此屠餘所以知
中山之亡夫永嘉之亂又驗矣而渡江君臣猶不知以此相儆
豈以風俗之敗爲名亂之著者耶嗚呼迷哉而蔡氏出於其門
獨能世學好禮達而不汚君子哉

酒德頌

劉伶

有大人先生以天地爲一朝萬期爲頃更日月爲宿牖八荒爲
庭除君無轍迹行無室廬慕天席地縱意所如止則操卮執觚

其氣和平一揆無晦朔寒暑其俗大同無邑居聚落其人甚清
無愛憎喜怒吸風飲露不食五穀其寢于于其行徐徐與鳥獸
魚鼈雜處不知有舟車器械之用昔者黃帝氏嘗獲游其都歸
而杳然喪其天下以爲結繩之政已薄矣降及堯舜作爲于鍾
百壺之飲因姑射神人以假道蓋至其邊鄙終身太平禹湯立
法禮繁樂雜數十代與醉鄉隔其臣義和弄甲子而逃冀臻其
鄉失路而道天故天下遂不寧至于未孫桀紂怒而昇其糟丘
階級千仞南向而望卒不見醉鄉武王得志于世乃命公旦立
酒人氏之職典司五齊拓土七千里僅與醉鄉達焉三十年刑
措不用下逮幽厲迄乎秦漢中國喪亂遂與醉鄉絕而臣下之
愛道者往往竊至焉阮嗣宗陶淵明等十數人並存于醉鄉沒

身不返死葬其壤中國以為酒仙云嗟乎醉鄉氏之俗豈古華胥氏之國乎何其淳寂也如是余將游焉故為之記

送王含秀才序

韓愈

吾少時讀醉鄉記私恠隱居者無所累於世而猶有是言豈誠旨於味耶及讀阮籍陶潛詩然後乃知彼雖偃蹇不欲與世接然猶未能平其心或為事物是非相感發於是有託而逃焉者也若顏氏之操瓢與簞曾參歌聲若出金石彼得聖人而師之汲汲每若不可及其於外也固不暇尚何翹慕之託而昏冥之逃耶吾又以為悲醉鄉之徒不遇也建中初天子嗣位有意正觀開元之不績在朝廷之臣爭言事當此時醉鄉之後世又以直廢吾既悲醉鄉之文詞而又嘉忠臣之烈思識其子孫今予

之來見我也無所挾吾猶張之况文與行不失其世守渾然端且厚惜乎吾力不能振之而其言不見信於世也於是行姑與之飲酒

書東臯子傳後

蘇子瞻

予終日飲酒不過五合天下之不能飲無在予下者然喜人飲酒見客舉盃徐引則予胷中為之浩浩焉落落焉酣適之味乃過於客閑居未嘗一日無客客至未嘗不置酒天下之好飲亦無在予上者常以謂人之至樂莫若身無病而心無憂我則無是二者矣然人之有是者接於予前則予安得全其樂乎故所至常蓄善藥有求者則與之而不喜釀酒以飲客或曰子無病而多蓄藥不飲而多釀酒勞已以為入何也予笑曰病者得藥

吾為之體輕飲者困於酒吾為之酣適蓋專以自為也東皇子
待詔問下省日給酒三升其弟靜問曰待詔樂乎曰待詔何所
樂但美醞三升殊可戀耳今嶺南法不禁酒予既得自釀月用
米一斛得酒六斗而南雄廣惠循梅五太守間復以酒遺予略
計其所獲殆過於東皇子矣然東皇子自謂五斗先生則日給
三升救口不暇安能及客乎若予者乃日有二升五合入野人
道士腹中矣東皇子與仲長子光游好養性服食預刻死白自
為墓誌予益友其人於千載或庶幾焉

飲酒說

蘇子瞻

陶潛云但恐多謬誤君當知醉人此未醉時說也若已醉何暇
憂誤哉然世人言醉時是醒時語此最名言張安道飲酒初不
言多數與劉潛石曼卿飲但言當飲幾日而已歐公盛年能飲
百盞然常為安道所困聖俞亦能百許盞然醉輒高叉手而語
彌溫謹此亦知所不足而勉之非善飲者善飲者淡然與平時
無少異若僕者又何其甚飲一盞而醉醉味與數君何異亦無
所羨耳

費渴賦

何諷 英華

不宿食以晨飲困鍾盃以沉寢永春晝而高局墮幅巾而橫枕
及乎酒適衷腸神遊異方煙生喉舌倘然如狂爰駭整以窺及
諒不在於呼吸俄據河而俯瀆乃罷舟而杯解倒魚鱉之窟宅
見蛟龍之委伏猶胃腸之不波資宴飲而未足由是奔九江走
五湖手不暇於轉運心不息於躡躅見波漸竭而百川如綫岸

益高而底於將枯腹慊爾而未覺肺燥然而不濡尋至大漠茫
然連清豈爾浩翰而吾量不盈斟酌未幾條見涯涘百靈稽首
乞留濡漑吾腹未充豈汝為意俄頃竭於浩渺奄滴瀝而無虞
瑤宮貝闕盡列平地三山赤城可以步至鯤鯨唼鳴相煦以煦
大鵬驚攫巨鰲悽貽四顧燥涸恒然與情此情何奇非吾所知
恨蒼海之可罄不足充吾之所思周遭有截塊然端塙水府萬
族咸呼帝闕帝且不聞吾欲未竭方將尋蟻垤期耿恭問姜母
以何在訪舒姑而欲從辨夸父於渭上弔相如於臨邛萬計已
盡六腑如燼窗白斜照飛蚊透鬢既驚既覺可歎可笑飲不盡
器枯腸已瘳措頤沉吟其意逾深以吾此日之一夢見自古不
定者之心

古詩

對酒

李白

天若不愛酒酒星不在天地若不愛酒地應無酒泉天地既愛
酒愛酒不愧天已聞清比聖復道濁如賢賢聖既已飲何必求
神仙三益通大道一斗合自然但得酒中趣勿為醒者傳

將進酒

李白

君不見黃河之水天上來奔流到海不復迴又不見高堂明鏡
悲白髮朝如青絲暮成雪人生得意須盡歡莫使金樽空對月
天生我材必有用千金散盡還復來烹羊宰牛且為樂會須一
飲三百盃天子呼來不上船生將進酒杯莫停與君歌一曲請君為
我傾耳聽鍾鼎玉帛豈足貴但願長醉不復醒古來賢聖皆寂

畫文卷之十五 卷之十五 三十二
莫雅有飲者留其名陳王昔日宴平樂羊酒十千恣歡譁主人
何用言少錢且須沽酒對君酌五花馬千金裘呼兒將出換美
酒與爾同消萬斛愁

飲中八仙歌

杜甫

知章騎馬似乘船眼花落井水底眠汝陽三斗始朝天道逢麴
車口流涎恨不移封向酒泉左相日與費萬錢飲如長鯨吸百
川街杯樂聖稱世賢宗之瀟洒美少年舉觴白眼望青天皎如
玉樹臨風前蘇晉長齋繡佛前醉中往往愛逃禪李白一斗詩
百篇長安市上酒家眠天子呼來不上船自稱臣是酒中仙張
旭三杯置聖傳脫巾露頂王公前揮毫落紙如雲烟焦遂五斗
方卓然高談雄辯驚四筵

唐李適之罷相詩避賢初罷相樂聖且銜杯試問門前
客今朝幾箇來故子美詩益用此意

絕纓歌

李頎

楚王燕客音華臺章華美人善歌舞玉顏艷艷空相向蒲室日
逆不得語紅燭城芳酒闌羅衣半醉春夜寒絕纓解帶為一歡
君主赦過不之罪暗中珠翠鳴珊珊始愛賢不愛色責娥買死
誰能識果却三軍全社稷

謝客聞善二兄絕句

黃魯直

黃聞善名友聞此篇大槩以聞善與柳氏兄弟杯
酒相失為開廣之

身入醉鄉無畔岸心與歡伯為朋友更闌罵座客星散過午未

蘇髮鬚曾未嘗頃刻可去酒無有一日不吟詩詩狂克念作酒
聖意美常思年少時群猪過飲尚可醉疥手棘糞庸何傷柳家
兄弟太迫窄狂藥不容人發狂莫作叫號驚四鄰囊中有地可
藏身淵明醉握遠公手太笑絕倒人不噴阮籍醉睡不論婚劉
伶雞肋避尊拳至今凜凜有生氣飲酒真成不愧天公擇醉面
桃花紅人百忤之無愠容華老夜闌傾數斗焚香默坐日生東
推牀破面長觸人作無義語怒四隣樽中歡伯笑爾輩我本和
氣如三春陶令舍中有名酒無日不為父老傾四坐歡欣觀酒
德一燈明滅又詩成阮籍劉伶智如海人間有道作糟丘酒中
無詩真三昧便要嵇康輸一籌

詩話

託酒遠世

石林詩話云晉人多言飲酒有至沉醉者此未必意真在於酒
蓋方時艱難人各懼禍惟託於醉可以疎遠世故蓋陳平曹參
以來用此策漢書記陳平於劉呂未判之際曰飲醇酒戲婦人
是豈真好飲耶曹參雖與此異然方欲解秦之煩苛付之清淨
以酒杜人是亦一術不然如蒯通董無事而獻說者且將日走
其門矣流傳至嵇阮劉伶之徒遂全飲用此為保身之計此意
惟顏延年知之故五君詠云劉伶善閉關懷情戒聞見韶精日
沉飲誰知非荒宴如是飲者未必劇飲醉者未必真醉也後世
不知此凡濡於酒者往往以嵇阮為例濡首腐齏亦何恨於死
耶 漁隱

送酒曰唯

公燕合樂每酒行一終令人必唱唯酒然後樂作此唐人送酒之辭本作碎音今多為平聲文士亦或用之王仁裕詩淑景易從風雨去芳樽須用管絃唯石林燕語

戒酒

羣書要語越庚國飲唯祀德將無醉酒誥矧汝劓制于酒厥或誥曰群飲汝勿佚晝執拘以歸于周予其殺又惟殷之迪諸臣惟工乃滔于酒勿庸殺之姑惟教之同上不為酒困詩一爾垂出處未嘗持酒盃歐中年畏病不舉酒孤負春來數百觴山谷慣眠處士雲庵裏倦醉佳人錦瑟傍坡復作騎馬

不跨驢此生斷酒不須扶山谷

古今事實

不以淫繼

陳公子完奔齊桓公使為正卿辭使為王正飲桓公酒樂公曰以火繼之辭曰臣上其書未下其夜不敢君子曰酒以成禮不繼以淫也以君成禮弗納於淫仁也莊二十二

以廢業斷

邢原善能飲酒自行八九年酒不向口至陳留師韓子瞻歸師友以原不飲酒陳仲去范仲博盧子幹會米肉送原原曰本能飲但以荒思廢業斷之今遠別可盡飲終日不醉

諫君戒飲

晉元帝頗以酒廢事王導以為言帝命酌引觴覆之於此遂罷
本紀

亡親戒酒

陶侃每飲酒有定限常歡有餘而限已竭或勸更少進侃悽悵
良久曰年少曾有酒失亡親見約故不敢踰

醉輒自責

庾亮叔襲父在常戒亮以酒後每醉輒自責曰余廢先人之戒
何以訓人乃於墓前自杖二十

臨別戒飲

諸葛樂與管輅別戒以一言卿性樂酒雖温克然不可保寧當
節之卿有水鏡之才所見者妙禍如膏火可不慎持卿散才以

游於雲漢之間不憂不富貴也輅言酒不可極才不可盡吾欲
持酒以禮持才以愚何患之有邪別傳

告新莫飲

劉玄明為山陰令告新尹傳翹曰作縣唯日食一升飯莫飲酒
此為第一策

覆甌布闌

孔群性嗜酒嘗戒之曰卿常飲不見酒家覆甌布日月久糜
爛耶答曰公不見肉糟淹更堪久耶

忍斷杯中物

吳衍好飲後醉詎權貴遂戒飲衍宣命飲衍曰近斷飲宜以奉
歐其背曰看看老癖疑漢忍斷杯中物耶抑而飲之

囚酒屋

衛元規酒後忤丁僕射以書謝曰自茲囚酒屋於天獄焚醉月於秦坑據吉

誑妻戒酒

劉伶嘗渴其求酒於其妻七損酒毀器涕泣諫曰君酒太過非攝生之道必宜斷之伶曰善吾不能自禁惟當祝鬼神自誓耳往可具酒肉妻從之伶跪祝曰天生劉伶以酒為名一飲一石五斗解醒婦人之言真不可聽仍引酒御肉塊然復醉

欲言即飲

唐陽城為諫議大夫八年未肯去方日夜劇飲客欲諫止者城揣知其情強飲客客辭即自引酒客不得已與酬酢或醉化席

中或先醉則客懷中不能聽客語

帝戒其飲

石延年字曼卿 真宗曰朕知卿有才矣但聞卿好飲酒恐醉不能事延年曰臣非好飲酒蓋以自釋耳然臣雖醉其於臨事愈於不醉之人

友戒其飲

張文忠公喜酒飲量過人既登第通判濟州日飲醇酎往往至醉是時大夫人年已高頗憂之一日山東賈存道先生過濟文忠館之數日先生愛文忠之賢慮其以酒廢學生疾乃為詩示文忠曰聖君恩重龍頭選慈母年高鶴髮垂君寵母恩俱未報酒如成病悔何追文忠矍然起謝之自是非親客不對酒終身

未嘗至醉

古今文集

雜著

斷酒誡

庾闡

蓋神明智惠人之所以靈也。好惡情欲人之所以生也。明智運於常准，好欲安於自然。吾以知窮智之害，性任欲之喪，真於是。推金鑿碎，玉斲破兒，觥指觚瓚。

家誡

魏王肅

夫家所以行禮養性，命歡樂也。過則為患，不可不慎。是故賓主百拜終日，飲酒而不得醉。先王所以避酒禍也。凡為主人，飲客使有酒色而已，無至醉。若為人所強，必退席長跪稱文，戒以

辭之敬，仲辭君而况於人乎？為客又不得唱造酒史也。若為人所屬下，坐行酒隨其多少，犯令行罰，示有酒而已，無使多也。禍變之興，常於此作，所宜深慎。

酒箴 并序

皮日休

皮子性嗜酒，雖行止窮泰，非酒不能適。居襄陽之鹿門山，以山稅之餘，繼日而釀。終年荒醉，自戲曰：醉士居襄陽之洞湖，以船船載醇酎一甕，往來湖上，遇與將酌，因自諧曰：酒民於戲，吾性至荒而嗜於此，其亦為聖善之罪人也。又自戲曰：醉士自諧曰：酒民將天地至廣，不能容醉士酒民哉。又何必廁絲竹之筵，粉黛之座也。襄陽元侯聞醉士酒民之稱，訂皮子曰：子耽飲之性，於喧靜豈異耶？皮子曰：酒之道，豈止於充口腹樂悲歡而已哉。

甚則化上為淫弱，仕下為凶酗。是以聖人節之以酬酢，喻之以
誥訓。然尚有上為淫弱所化，化為十國；下為凶酗所化，化為殺
身。且不見前世之飲禍耶？潞、鄆、舒有五罪，其一嗜酒為晉所殺。
慶封易內而耽飲，則國朝遷。鄭伯窟室而耽酒，終奔於駟氏之
甲。藥高嗜酒而信內，卒敗於陳。鮑氏衛侯飲于籍圃，卒為大夫
所惡。嗚呼！吾不賢者，性實嗜酒，尚懼為鄆、舒之侈，過此吾不為
也。又焉得裨喧為靜乎？裨靜為喧乎？不為靜中淫弱乎？不為
禍之波乎？既淫弱，酗禍作為心得，不為慶封乎？鄭伯乎？樂高乎？
衛侯乎？蓋中性不能自節，因箴以自符箴曰：
酒之所樂，樂其全真。寧能我醉，不醉於人。

古詩

止酒

陶潛

居止次城邑，逍遙自閑止。坐止高蔭下，步止尊門裏。好味止園
葵，太歡止稚子。平生不止酒，止酒情無喜。暮止不安寢，晨止不
能起。日日欲止之，管衛止不理。徒知止不樂，未信止利已。姑覺
止為善，今朝真止矣。從此一止去，將止扶桑淚。清顏止宿容，笑
止千萬祀。

諸公和淵明止酒詩因同賦

陳去非

愛河漂一世，既滿不能止。不知淡生活，吟詩北窓裏。肺肝亦何
罪，因此毛錐子。不如友麴生，是子差可喜。二杯取徑醉，萬緒散
莫起。奈何劉伶婦，告語見料理。不如一覺睡，浩然忘彼已。二十
六策中，此策信高矣。政使江變酒，誓不涉其涘。尚須學王通，藝

黍供祭祀

止酒

張安國

飲酒見真性此酒不可止。一飲病三日。止酒寧獲已。飲酒有別腸。勸酒無惡意。既因酒成疾。那識酒真味。將軍醉不敬。次公醒而狂。破面長觸人。不如持空觴。人言我止酒。似是遣客計。但使客常滿。客醉我亦醉。

律詩

陳述古以詩見責屢不赴會復次韻

蘇子瞻

我生孤獨本無鄰。老病年來益自珍。肯對綠荷辭白酒。但愁新進笑陳人。非山怨鶴休驚夜。南畝巾車欲及辰。多謝清詩屢推

轂脂膏那解轉方輪

詩話

沁園春 見詞曲門

新編古今事文類聚續集卷之十五終

Blank page with vertical lines for text.

新編古今事文類聚續集卷之十六

建安 祝穆 和父 編

金陵 唐富春 子和 刊

食物部

飯 粥 羹

羶書要語饋餽稔也脩食飯也餽蒸飯氣也 說文水澆飯曰飧 通俗文飲食男女人之大欲存焉 禮運民之質矣日用飲食 保一簞食一豆羹得之則生弗得則死噉爾而與之行道之人 弗受蹴爾而與之乞人不屑也 告子 八政以食為首 前食貨志 人情一日不再食則饑 同上 主人為臣炊雕胡之飯 宋玉賦 美

事文類聚續集

卷之十五

三十

臠肉羹 說文臠高也香氣也釋名太羹不和**注**肉汁也記羹之有菜者用挾曲禮懲於羹者而吹盬楚詞

詩句飯抄雲子白杜新炊間黃梁杜嘗新破旅顏杜嘗擬報丁

飯杜滑喜離胡飯杜**粥**擔橐以取薪斧冰持作糜魏武帝**美**勸

客駝蹄羹霜橙壓香橘杜誰欲計尊羹杜媿客茹藜羹杜為爾

致羊羹杜莫將北海金齏膾輕比東坡玉糝羹坡乾鍋更刮甘

瓠羹坡

古今事實

蒸穀為飯

黃帝始蒸穀為飯身穀為粥周書又云始有金甌火食古史考

埃墮飯中

子在陳絕糧從者病語十五孔子厄於陳蔡從者七日不食子貢以所簞負竊犯圍而出告糴於野人得米一石焉顏回仲由炊之於壞屋之下有埃墨墮飯中顏回取而食之子貢自井望見之問曰仁人廉士窮改節乎回曰改節即何稱於仁廉哉子貢以所飯告孔子子曰吾將問之召顏淵曰疇昔子夢見先人豈或啟佑我哉子炊而進飯吾將祭焉對曰有埃墨墮飯中欲置之則不潔欲棄之則可惜回即食之不可祭也孔子曰然乎吾亦食之家語

蔬食而樂

孔子曰飯蔬食飲水曲肱而枕之樂亦在其中矣

食我以禮

孔子曰吾食於少施氏而飽少施氏食我以禮
二旬九食

孔子居於衛緇袍無裏二旬九食田子方聞之使人遺狐白
一簞食

顏子一簞食一瓢飲在陋巷人不堪其憂回也不改其樂

殺鷄為黍

荷篠夫人止于路宿殺鷄為黍而食之

裹飯往食

子輿與子桑為友霖雨十日子輿曰子桑殆病矣裹飯往食之
莊子

與之簞食

趙宣子見翳桑餓人與之簞食靈輒也詳見報德門

戒二子食

衛獻公戒孫文子甯惠子食皆服而朝日旣不召而射鴻于圃
二子從之不釋皮冠而與之言二子怒左

不食嗟來

齊大饑黔敖為粥於路以待餓者而食之有餓者蒙袂輯屣負
貿然來黔敖左奉食右執飲曰嗟來食揚其目而視之曰予唯
不食嗟來之食以至於斯也從而謝焉終日不食而死魯子聞
之曰微與其嗟也可去其謝也可食

食脫粟飯

晏子相齊食脫粟飯晏子春秋公孫弘為丞相食一肉脫粟飯

食粟而已

曹交九尺四寸以長食粟而已孟子

遺粟而辭

子列子窮容貌有饑色客有言之鄭子陽者曰列禦寇蓋有道之士也子陽遺之粟子列子再拜而辭列子

班荆而食

楚伍舉將奔晉聲子將如晉遇之於鄭郊班荆相與食左

吹竽乞食

伍子胥夜行晝伏吹竽乞食於吳市

糲飯菜羹

孫叔敖為令尹糲飯菜羹

疑飯異等

孟嘗君待客夜食有入蔽火光客怒以為飯不等輟食辭去孟嘗君起自持其飯比之客慙自刎

令馬食之

范睢坐須賈堂下令兩黥徒夾而馬食之

食貴於玉

蘇秦之楚三日乃得見王辭去王曰曾不少留對曰楚國食貴於玉新貴於桂諸者難得見如鬼王難得見如天令臣食玉炊桂因鬼見帝王曰聞命矣戰國策

漂母飯信

韓信常數從其下鄉南昌亭長寄食數月亭長患之乃晨炊蓐

食信食時性不為具食信亦知其意竟絕乃釣城下諸母漂有一母見信饑為設食信謂漂母曰吾必有以重報母母怒曰夫不能自食吾哀王孫而進食豈望報乎

老尚善飯見老門

不食盜食

東方有士曰爰旌自將有適而餓於道狐父之盜人丘也見而下壺餐以餽之爰旌自三餽而後能視曰子何為者也曰我狐父之人丘也爰旌自曰謹汝非盜耶胡為而食我兩手據地而嘔之不出喀喀然遂伏而死新序

俱過一飯

薛宣守左馮翊高陵令楊湛櫟陽令謝游皆貪猾不遂持郡矩

長及宣視事詣府謁宣設酒飯與相對接待甚備已而陰求其罪贓具得所受取密以手書曉之湛即時解印去游以太儒輕宣宣移書顯責之游得檄亦解印殺去

進麥飯

王郎起光武至南宮遇大風雨引車入道傍空舍馮異抱薪鄧禹爇火光武對竈燎衣異進麥飯兔肩

飯各有異

左雄為冀州刺史常食乾飯出漢書司馬苞為太尉常食漉飯李固為太尉常食麥飯

珍饌供母見母子門

有時絕粒

范舟所居單陋。有特絕粒。閭里歌之曰：誰中生塵。范史雲：金中生魚。范萊蕪。

與語忘食

尹敏與班彪相厚。每相與談。常晏暮不食。晝即至。暝夜徹旦。東觀漢記。孫安國往殷中軍。許共論。往反精苦。賓王遂至暮忘食。世說。

留飯禮薄

步騭避亂江東。與廣陵衛旌相善。俱以種瓜自給。會稽焦征羌郡之豪族。騭與旌寄食。其地懼為所侵。乃共修刺。奉瓜以獻。征羌方內臥。駐之移時。旌欲去。騭止之曰：日本所以來。畏其強也。今舍去。欲以為高。祇怨耳。良久。征羌開牖。見之。隱几坐。帳中設席。

致地坐。騭旌牖外。旌愈耻之。騭辭色自若。征羌身自享。太案。殺膳重沓。而小盤飯與。騭旌惟菜茹而已。旌不能食。騭極食致飽。乃辭出。旌怒。騭曰：能忍此乎。騭曰：吾等貧賤。是以主人以貧賤遇之。固其宜也。當何所恥。吳志。

食折米飯

王朗會稽。敗太祖盛會。啗之曰：不能效君。昔在會稽。折粳米飯。朗曰：宜適難。值如朗者。未可折。而折明公。可折而不折也。魏略。

飯化為螺

石崇家稻米飯在地。經宿皆化為螺。時人以為族滅之應。

拾飯粒

殷仲堪在荆州。連年饑饉。仲堪食常五椀。盤餘肴饌。飯粒落席。

間輒拾以啗之雖欲奪物亦緣其性真素也晉書

含飯哺兒

却鑿遭永嘉喪亂窮餓鄉人共飭之鑿常携兒子外甥周翼二小兒會食卿人曰各自窮餓以君之賢共欲存君耳恐不能兼飭鑿於是獨往飯着兩頰還吐與二兒食

精飯食客

謝安嘗欲詣陸納納兄子傲密作食供之納設茶果而已傲下精飯食客納大怒杖四十曰不能光我叔父而乃穢我素風

食冷復暖

孫盛嘗詣殷浩談論對食奮擲塵尾毛悉落飯中食冷而復暖者數四至暮忘冷理竟不定由是知名本傳

食鎗底飯

宋陳遺少為縣吏母好食鎗底飯遺在役恒帶一囊每煮食輒錄其焦貽母

母為設食

湘州刺史王僧虔引樂願之為王簿以同僚非人棄官去吏部即庾景之嘗往候願之為設食唯枯魚菜蔬景之曰我不能食毋聞之自出常膳魚羹數種景曰卿過於若季偉我非郭林宗不過兒飯

第五倫字伯魚修行清白嘗召見上曰聞卿為吏不過從兒飯寧有乏耶對曰臣生遭饑饉米石萬錢不敢妄過人飯

道上共食

陽城爲道州日炊米一斛魚一太鷺置杯杓道上共食之六帖

不暇擇美食

唐乾符中有豪士承藉勳蔭錦衣玉食極口腹之欲嘗謂僧
聖剛曰凡以炭炊飯先燒令熟謂之鍊火方可入爨不然猶有
煙氣難餐及大寇先陷灑洛財產剽盡昆仲數人與聖剛同竄
潛伏山草不食者二日賊鋒稍退徒步往河橋道中小店買脫
粟飯於士林同食美於梁肉僧笑曰此非鍊炭所炊但慙覩無
對康駢劇談錄

衣冠而食

張文定公安道平生未嘗不衣冠而食嘗暑月與其壻王鞏同
飯命鞏褫帶而已衫帽自如鞏不敢公曰吾自布衣諸生遭遇

至此一飯皆君賜也享君之賜敢不敬乎子自食某之食雖衣
衣無害也

飯後不拜

童惇少善養生嘗云遇饑雖不相識處亦須索飯若食飽時見
爺亦不拜東軒筆錄

食飽即寢

杜邠飲食洪博既飽即寢人有諫非攝生之理公曰君不見布
袋盛米放倒即慢南郡新書

飲啖兼人

韓玉汝平生喜飾厨傳一飲啖可兼數人出帥長安錢穆甫行
詞云喜廉頗之能飯玉汝不悅聞見錄

啜粥聲聞以下係粥

尹吉甫仕至上卿其家大富食口數百人時歲大饑曾錄異鑊作粥啜聲聞數里食訖失三千人乃在鑊中取焦粥而已

為粥待餓見散門

田足供粥

顏回有負郭之田五十畝足以供檀粥

進豆粥

光武自劬東南馳至饒陽蕪葦亭天寒眾皆饑疲馮異上豆粥明且光武曰昨得公孫豆粥饑寒俱解

炊飯成糜

有客詣陳太丘談鋒甚敏太丘乃令元方季方炊飯太丘問炊

何遲留元方長跪曰君與客語乃共竊聽炊忘著筆今皆成糜太丘曰爾頗有所識否元方長跪俱說言無遺失太丘曰如此俱成糜自可何必飯耶世說

進粥三呵

郭林宗嘗止陳國問學見童子魏德公知其有異德公求近其房止供給洒掃林宗嘗不往夜中命作粥林宗一啜怒而訶之曰高明為長者作粥使沙不可食以杯擲地德公更進粥三進三呵德公無變容顏色殊悅林宗曰始見子之面今乃知子之心遂友善之卒為妙士本傳

肉糜

晉惠帝時天下荒亂百姓餓死帝曰何不食肉糜

咄嗟辨粥

石崇作豆粥咄嗟便辨每冬得非萍藜王愷密問其帳下云豆至難孰豫作熟豆客來但作白粥投之非萍藜是擣非根雜以麥苗耳

暑着衣食粥

却嘉賓三伏之月詣謝公炎暑重赫雖當風交扇猶沾汗流離謝着故衣食熟白粥却謂謝曰白非君体幾不堪此世說

歲荒散粥

梁任昉為義興太守歲荒散私俸以米豆為粥活二千餘人

斟雉羹 以下係羹

楚辭云彭鏗斟雉帝何饗王逸注曰彭鏗彭祖也好和滋味蓋

斟雉羹事帝堯

能羹不熟

紂王怒能羹不熟而殺庖人劉向新序

烹子遺羹

文王長子伯邑考紂烹以為羹以賜文王曰聖人不食其子羹文王得而食之曰誰謂西伯聖者與食其子美而不知世紀

藜羹不糝

孔子厄陳蔡之間七日不食藜羹不糝

以羹遺母

穎考叔曰小人有母皆嘗小人之食矣未嘗君之羹請以遺之殺羊食士

事文類聚續集

卷之六

十一

忠孝子三

鄭伐宋將戰華元殺羊食土其御者羊斟不與焉及戰曰昔之羊羹子為政今日之事我為政與華元馳入鄭宋師敗績

染指顧羹 見龜門

烹子遺羹

樂羊圍中山中山人烹其子遺之羹樂羊食盡褚師贊曰其子食之其誰不食羊下中山文侯賞其功而疑其心

羊食二國

中山君饗士司馬子期在焉羊羹不遍子期怒走楚說王伐中山中山君二有一人挈手隨後問之曰臣父嘗餓且死君下壺食哺臣之父故來死君也中山君曰吾以一椀羊羹二國以一壺食得二士死

戰國策

殺翁分羹

楚與漢相守羽乃為高祖置大公其上告漢王曰今不意下吾烹木公漢王曰吾與若俱北面受命懷王約為兄弟吾翁即若翁必欲烹而翁幸分我一杯羹項王怒欲殺之項伯曰且為天下者不顧家雖殺之無益也

嫂饗金羹

見嫂叔門

羹爛汝手

見德量門

以羹相戲

殷淳子孚有父風嘗與待中何最共食孚羹盡最云益殷尊羹最司空無忌子也孚徐輟節曰何無忌諱

千里尊羹

25

陸士衡詩王武子武子有數斛羊酪指以示陸曰卿東吳何以敵此陸云千里尊羹未下監鼓郭子

不三羹哉

唐柳玘家戒余先君兄弟三人皆居清列非速客不三羹哉分食藟藟而巳皆保重名

古今文集

古詩

乞食

陶潛

饑來驅我去不知竟何之行行至斯里叩門拙言辭主人請余意遺贈豈虛來譚諧終日夕觴玉醴傾不情欣新知勸言詠遂賦詩感子漂母惠愧我非韓才術哉知何謝冥報以相貽

陶淵明得丁食至欲以冥謝主人哀哉哀哉此大類丐者口頰也非獨余哀之舉世莫不哀也饑寒常在身而功名常在身後二者不相待此士之所以窮也志林

豆粥 以下係粥

蘇子瞻

君不見溱洧流漸車折軸公孫倉皇奉豆粥濕薪破竈自燎衣
鐵裹頭解劉文叔又不見金谷敲冰草木春帳下亭前皆美人
菲莖豆粥不傳法咄嗟而辨石季倫于戈未解身如寄聲色相
傳心已醉身心顛倒自不知更識人間有真味豈知江頭下頃
雪色蘆花蒼出沒晨煙孤地確春杭光似玉沙瓶煮豆軟如酥
我老此身無着處賣書來問東家住臥聽雞鳴粥熟時蓬頭曳
履君家去

口數粥行

范至能

家家臘月二十五，浙米如珠和豆煮。大杓輾鐺分口數，疫鬼聞香走無處。餛飩屑桂澆，蔗糖滑甘無比勝。黃梁全家團來罷，晚飯在遠行人亦留分。祿中孩子疆教嘗，餘波徧霑獲。與藏新元叶氣調，玉燭天行已過來。萬福物無疵，瀉年穀熟長向臘。殘分豆粥。

詩話

食粥

秦少游為黃本校勘錢穆父為戶書皆居東華門少游春日有詩遺穆父云：二年京國鬢如絲，又見新花發故枝。日與春衣非為酒家貧，食粥已多時。穆父以米二石送之。
律詩 係美

過子忽出新意以山芋作玉糝羹色香味皆奇絕天酥酥醜則不可知人間决無此味也 蘇子瞻
香似龍涎仍馥白味如牛乳更全清莫將南海金華脂輕比東坡玉糝羹

食物 嗜好

羶書要語：膾，雜肉也。膾，漬肉也。臘，宗廟熟肉也。說文：膾者，俎實祭肉也。生曰膾，孰曰膾。蓋社肉也。穀梁：熟肉有骨曰胾，大饔曰胾。釋文：肉腥細者為膾，大者為胾。內則：珍用八物。注：謂淳熬、淳母、炮豚、炮牲、擣珍、漬熬、肝管也。周禮：膳夫：鴈、酒、豆、肉。坊記：窮口腹之欲，不能反躬，天理滅矣。禮：包鱉、鱸、鮓。六月：民之失德，乾餱。

以行伐木肉之美者猩猩之唇呂氏春秋封熊之掌翰音之蹄

燕髀猩唇鬚殘鬚獸名所食之殘也象白張協七命紫駝之峯見鮑明之

我所欲也能掌亦我所欲也孟子膾炙與羊棗孰美孟子食前

方丈孟子享有體薦宴有折俎左宣十六有酒如坻有肉如陵

左鼎膳盈望和致芳只膳熟也芳椒姜也楚辭晚食以當肉安

行以當軍戰國策攻苦食淡漢呂后疏厲之食六帖漿酒藿肉

鮑宣傳不過一肉卮酒相對張禹傳人知肉味卽對屠門而木

嚼桓譚新論金壘玉膾東南佳味南部煙花傳鼎膳俎載柳文

卦腴割鮮劉賓客文

詩句陶盤奉旨薑竹筋羞雞炙韓紫駝之峯出翠金杜甲第紛

紛厭梁肉杜黃雞啄黍秋正肥李桃花流水鰕魚肥坡酒淺欣

掌牛尾狸坡

古今事實

餒敗不食

孔子曰魚餒而肉敗不食色惡不食臭惡不食失飪不食不時

不食不得其醬不食肉雖多不使勝食氣

燔肉不至

孔子爲魯司寇不用從而祭燔肉不至不稅冕而行不知者以

爲爲肉也其知者以爲爲無禮也

列鼎而食

子路南游於楚列鼎而食家語

熊蹯不熟

事類彙編卷之十六 熊蹯不熟 十四

晉靈公使宰夫膳熊蹯不熟殺之

肉食者鄙

齊師伐我公將戰曹劌請見其鄉人鄉人曰肉食者謀之又何

聞焉劌曰肉食者鄙未能遠謀乃入見

楚有烹猴者而召其鄰人鄰人以為大美而其之後聞其猴盡吐瀉其所食此未知味者

烹猴為美

公孫弘為丞相食惟一肉

不重味

朱博廉儉自微賤至富貴食不重味按上不過三杯

客知食物

曹元理善術嘗詣陳廣漢設食甚薄廣漢曰有倉卒客無倉卒主人元理以七箸置曰俎上蒸豚厨中荔支何不設廣漢大驚西京雜記

口腹累人見猪門

預知食物

趙達嘗過知故取盤中隻箸再從橫之乃言卿東壁下有美酒一斛又有鹿肉三斤何以辭無吳志

五侯鯖

五侯不相能賓客不相往來其護豐辯傳會五侯間各得其歡心競致奇膳護乃合以為鯖世稱五侯鯖以為珍西京雜記

供饌甚豐

晉武帝嘗幸王濟宅供饌甚豐悉貯琉璃器中

禁燔肉

晉元帝始鎮建業每得一豚以為珍膳項上一鱖尤美輒以薦
帝羣下未嘗敢食時呼為禁燔肉謝琨

一食萬錢

何曾日食近萬錢猶云無下箸處子劭奢侈每食必盡四方珍
饌一日之供以一萬為限北齊韓晉明好酒誣縱招引賓客
一席之費動至萬錢猶復儉率

忍害物命

何胤後於味食必方丈後稍欲去其甚者猶食白魚鮓脯糖蟹

以為非見生物擬食蚌蠃使門人議之鍾玩曰鮓之就脯驟於
屈伸蠃之將糖蹂擾彌甚仁人用意深懷如但至於車驚蚌蠃
冒目闕慙混沌之奇擴惹外絨非金玉之慎不悴不樂曾草木
之不若無香無味與瓦礫其何等宜充庖厨永為口味

一食二韭

晉高陽王雍為相一食數萬錢李崇曰高陽一飯敵我千日崇
為尚書令富傾天下而性儉去食常無肉止有韭茹韭菹人云
令公一食十八種蓋二韭十八也洛陽伽藍記

食牛心炙

見牛門

不食羊肉

齊王肅歸魏初不食羊肉及酪漿常食鯽魚羹渴飲茶茗汁高

帝曰羊肉何如魚羹茶茗何如酪漿肅曰羊陸產之最魚水族之長羊比齊魯太邦魚比邾莒小國惟酪不中與茗作奴彭城王勰曰卿不重齊魯太邦而愛邾莒小國明日為卿設邾莒之會亦有酪奴因呼茗為酪奴洛陽伽藍記

對客獨食

北齊崔瞻為侍御史在臺宅中送食備盡珍羞別室獨食有一御史姓裴伺瞻食便造焉瞻不與交言又不命是筋觀瞻食罷而退明日自攜是筋恣情飲噉瞻曰我初不喚君食又不與君語遂能不拘小節昔劉毅冒請鵝炙豈亦異是君定奇士每與同食

御史食鷄

馬周每行郡縣食必進鷄小吏訟之帝曰我禁御史食肉北州縣廣費食鷄尚何與榜吏斥之

以牛炙死

杜甫客耒陽游岳祠大水遽至涉旬不得食縣令具舟迎之令嘗牛炙白酒而死

棄饌直萬錢

韋陟性奢侈於饌羞尤為精潔每食畢視厨中所委棄不啻萬錢之直

饌不能名

唐裴冕性豪侈每廣會賓客不能名其饌

爛蒸葫蘆

鄭餘慶與入會食日高衆客皆餒呼左右曰爛蒸去毛莫物折項諸人相顧以為必蒸鵝鴨良久就餐每人前下粟米飯一椀蒸葫蘆一枚餘慶餐美諸人強進而罷東坡汴字韻詩却作盧懷謹豈其偶忘之耶太平廣記見泊宅編

設食唯菜

盧懷謹為黃門監兼東部尚書臥病既久宋璟盧從愿嘗相與訪焉懷謹臥於敞簣門無簾箔常器重環及從愿見之甚喜命設食有蒸豆兩甌菜數俎而已此外脩然無辨

檀食

杜鎬廣博為龍圖閣學士宋真宗問檀食原於何代鎬曰漢景帝為太子文帝鍾愛既居東朝文帝曰太子之食必將殊勝乃

命太官每具兩擔檀以賜之此其始也

食必盡器

查道以謹儉率易為待制每食必盡一器度已不勝則不下筋雖蔬茹亦然常曰福當如是惜

廊食無懼

張文定公齊賢河南人少為舉時貧甚客河南尹張全義門下飲啖兼數人自言平時未嘗飽遇村人作願齋方飽常赴齋後時見其家懸一牛皮取煮食之無遺宋太祖幸西都文定獻十策於馬前召至行宮賜衛士廊食文定就大盤中以手取食帝用桂斧擊其首問所言十事文定且食且對略無懼色賜束帛遺之

食可一大桶

張僕射齊賢每嗜肥猪肉數斤天壽院風藥黑神丸常人不過服一彈丸公以五七兩為大劑夾以胡餅食之罷相知安州與客燕食厨吏置一大桶切視公所食如其物投桶中至暮浸漬蒲桶晏兀獻清瘦如削每折半餅以筋卷之抽筋就肉念頭一莖食之此亦異於人也歸田錄

嗜言歌以下係嗜好

周文王嗜言歌趙

嗜羊棗

魯哲嗜羊棗曾子不忍食羊棗

嗜芟

屈到嗜芟有疾召宗老而告之曰祭我必以芟及祥祭宗老將薦芟其子屈建命去曰祭國有奠享夫有羊饋士有豚犬之奠庶人有魚炙之奠邊豆簠簋上下供之不羞珍異不陳庶後天子以私欲干國之典

嗜酒

鄭伯有嗜酒

嗜魚

公儀嗜魚人獻不受曰吾祿自可致魚

嗜牛心炙

王右軍嗜牛心炙

古今文集

食箴并序

皮日休

皮子少且賤至於食自甘荼糲而已未嘗食於鄉里食於親戚
食於州鄙有鄙邑大夫嚮皮子之名曾未相贊其厚羞以貧之
皮子辭大夫訂之曰子自甘荼糲則可矣於鄉里親戚州鄙何
有皮子曰一杯之食至鮮矣苟專其味必不能自抑既不能自
抑日須豐其羞既日須豐其羞則貧也不能無不足因是妄求
苟欲之心生窮貪極嗜之名生且大夫不能見前世之味禍乎
故羊斟不及華元受其謀龜羹不均子家肆其禍熊蹯不熟殺
宰夫而趙穿弑雙鷄易鶩饋子雅而慶舍死嗚呼吾不仁者乎
誠賴其用所欲不可求所嗜不可得方自甘荼糲而已使我生

於鍾鼎之家膏粱之門日縱異嗜年成奇欲未必不為御者之
奔華元也子家之伐靈公也晉靈之殺宰夫也蘆蒲矣之殺慶
舍也此猶之貪獸爭食而死者矣故食於天子者則死其天下
食於諸侯者則死其國食於大夫者則死其邑食於士者則死
其家又焉能以鄉里親戚州鄙為讓乎大夫曰善自惟食之性
不能自節亦由酒之性也復箴以自符箴曰
寧能我食不食於人既食於人是食其身

老饕賦

蘇子瞻

苞丁鼓刀易牙烹熬水欲新而金欲潔火惡陳而薪惡勞九蒸
暴而日燥百上下而盪塵宜項上之一變嚼霜前之兩螯爛櫻
珠之煎蜜滷杏酪之蒸羔蛤半熟而合酒蟹微生而帶糟蓋聚

物之妖美以養吾之老饕彼姬姜顏如李飛彈湘妃之玉瑟
 鼓帝子之雲璈命仙人之萼綠華舞古曲之鬱輪袍引南海之
 玻璃酌涼州之蒲萄願先生之考壽分餘瀝於兩髦候紅潮於
 玉頰驚暖響於檀槽忽繫珠之妙唱抽獨繭之長線閱手倦而
 少休疑吻燥而當膏倒一缸之雪乳列百拖之瓊艘各眼灑於
 秋水咸骨醉於春醪美人告去已而雲散先生方兀然而禪逃
 響松風於蟹眼浮雪花於兔臺先生一笑而起渺海闊而天高

國忌董素食

來喻引范公說以為伊川所為范公未必盡知若率先具素饌
 則應大與東坡忤何以能處程蘇之間而無違言乎此則恐於
 事理皆未盡也至於國忌齋進董素所宜則以范公之賢於已

之所行自當顧義理之是非以為從違不當視同列之喜怒以
 為前卻也使其果欲依違兩間曲全交好則具素饌既忤東坡
 具肉食亦忤伊川若慮於彼而忽於此則亦非所以兩全矣况
 范公之意未必出此而他書所記亦云范醇夫輩食素黃輩
 食肉則所記雖不同而范公之不畏東坡而每事徇從亦當時
 所共知矣

朱元晦答呂伯恭淵源錄

荆公無所嗜

老蘇辨姦初間只是私意如此後來荆公做不着遂中他說然
 荆公氣骨自是一箇要遺形骸離世俗底模樣喫物不知饑飽
 嘗記一書載公於飲食絕無所嗜惟近者必盡左右疑其好也
 次日易以他物而置此品於遠則不食矣往往於食未嘗知味

也至如食釣餌當時以為詐其實自不知也近世呂伯恭亦然
面垢身汚以所不恤飲食亦不知多寡以此等為姦恐不然也
朱語錄

脯鮓

羶書要語脯乾肉也修脯也說文脯搏也乾燥相搏着也修縮也乾燥縮也釋名腊人掌乾肉凡田獸之脯腊臘腊之周禮婦之贊脯修禮記腊乾雉脯乾魚周禮註

詩句秦烹惟羊羹隴饌有熊腊坡

古今事實

束修

子曰自行束修以上吾未嘗無誨焉

賜脯遺母

趙宣子將之程耳翳桑之下有餓人宣子與脯二胸拜受而不
敢食問其故曰臣有母持以遺之宣子更賜之脯二束而去

賣脯致富

濁氏以賣脯而連騎漢晉

左慈酒脯

左慈詣劉表請鴛鴦有酒一器脯一盤萬人皆周而酒器如故
脯亦不減神仙傳

碎麟脯

王遠至蔡經家與麻姑共設有膳碎麟脯而行之神仙傳

龍肉鮓 以下係鮓

陸機餽張華鮓華曰此龍肉也遂以苦酒沃鮓鮓中有五色光
機還問鮓主果云園中菜積下得一白魚狀殊常以鮓過美

魚鮓寄母

孟仁為監池司馬自能結網手捕魚作鮓寄母母還之曰汝為
魚官而以鮓寄我非避嫌也

蛆鮓遺母

陶侃作漁吏以一蛆鮓遺母母以書責侃詳見教子門

妄疑盜鮓

桑虞嘗行宿寄逆旅同舍客失脯疑虞為盜虞默然便解衣償
之主人曰此舍數失魚肉鷄鴨多是狐狸偷君何以疑人乃將

脯主山家間尋求果得之爰求還衣虞投之不顧晉書

託鮓譏子

王瑩代謝超宗為義興太守與訓交惡超宗到郡後父懋性超
宗處超宗設精白鮓美鮓獐巴懋問那得佳味超宗詭言瑩始
見鮓佳驚曰大人豈應不得耶懋大忿言於朝廷稱瑩供養不
足坐失廢棄久之

饋蘆服鮓

白樂天方齋劉禹錫饋蘆服鮓文集

古今文集

古詩

子魚

劉彥冲

舊聞通印各海錯珍莫踰火氣燦鱗鱗肉香泛庖廚泥泥子盈
胞鮮美禍所區生如粒芥微多若囊粟儲他年想吞舟勿輕此
鎗銖一咀命千百雖其汝安無窮冬季乳時豈靡海為虛舍凍
體猶濕得瀉味已渝虐戲等剗孕淫刑幾戮拏人深襁褓恩在
物愛豈殊聞風易殺子盛冰沉其驅詎有惻恒心旁推及豚魚
相殘人獸均自殘獸不如哦詩化蠻獠因警饕餮徒

謝吳春卿餉臘猪肉 見猪門

李聖俞求黃雀醢法戲作醢經遺之 見黃雀門

